

硃批諭旨

高 斌 趙國麟奏摺



硃批高斌奏摺

雍正四年二月二十一日蘇州織造兼理澆墅關

稅務郎中臣高斌謹

奏為

聞事臣於本年二月十二日同巡撫臣張楷到澆墅關衙門遵將

皇上嚴旨傳與胡鳳翬胡鳳翬免冠伏地叩首臣到任數日看胡鳳翬織造稅關所辦之事寬緊失宜商民匠役頗有怨聲而辦理稅關事務尚襲漏弊鳳

翬向臣言蒙

硃批諭旨

高斌

皇上天恩不即加罪我急欲進京等語臣令其候
若無應行質訊之事何必留伊在彼
旨今尚住在織造衙門西邊其稅關事務臣未便驟然
是

更張須得漸次清理務秉實心竭力報效臣受

皇上洪恩自己費用不敢奢侈折福亦不敢矯情自苦
一年差滿除正額錢糧外并給發稅關人役工食

開庫起解加平飯錢等項及臣所辦差使自用盤費將

亦不必瑣瑣煩瀆將大槩款數稟知怡親王可也
奏明斷不敢一毫欺隱辜負

天恩臣未敢擅便伏乞

聖訓批示以便遵行因防胡鳳翬知道此摺未令人膽

字畫竝不潦草再有密奏事件自行書寫甚好

寫臣字畫潦草仰懇

恩宥臣不勝恐懼之至謹

奏

若果實力報效毫無隱飾朕自有鑒照勉之

雍正四年四月初八日蘇州織造兼滄墅關稅務

郎中臣高斌謹

奏為奏

聞事竊臣查得江蘇地方三月內雨暘時若在田早麥

秀實轉瞬豐收小麥蠶豆滋長發榮指日成熟兆

民均戴

硃批諭旨

高斌

皇上仁育萬物歲稔時和市上米價白米每石一兩一錢次白米每石九錢六分麥價每石七錢五分所有雨水米價及民間安阜情形理合繕摺奏

聞謹

奏

覽奏兩賜時若米價平減朕惟以手加額耳但一切奏聞之事總須據實萬不可絲毫涉於粉飾欺蔽

雍正四年六月初十日蘇州織造兼理潯墅關稅

務郎中臣高斌謹

奏爲奏

聞事竊臣查得江蘇地方五月內在田小麥收穫俱完

農家正望雨澤插時禾苗於初十至二十八等日

連得大雨高下田疇及時播種四野懽呼市上米

價平減白米每石一兩零五分次白米每石九錢

二分麥價每石七錢六月初一日起霉雨仍連綿

不止至初四日大雨河流平岸低田新苗水淹撫

臣張楷同臣及蘇城文武各員齋戒祈晴初九日

午刻始行晴霽水漸平退農事無妨秋成可望理

合繕摺奏

聞謹

硃批諭旨

三

高斌

奏

知道了直隸地方亦於四月盡間霖雨不止二麥幾至被澇幸卽晴霽所以無妨河南山東山西并直隸四省春麥俱獲豐收實屬

上天之洪慈廣覆也

雍正四年九月初二日蘇州織造兼理潞野關稅務郎中臣高斌謹

奏爲奏

聞事竊臣查得江蘇地方今歲高下田疇滿擬十分收穫因八月內陰雨連綿河水漸長平岸低窪圩田

淹浸將來收成分數減少其高阜田畝亦緣陰雨過多將來收成畧減一二分幸於二十九日已慶開霽今年節氣尚早日下纔過秋分仰賴皇上洪福從此晴霽仍可期望豐登市上白米每石價銀九錢八分次白米八錢八分麥價每石七錢所有八月晴雨日期米麥價值謹據實繕摺奏

聞謹

奏

朕正爲江蘇雨水憂慮今覽爾此奏稍寬慰矣

雍正四年十月初九日蘇州織造兼理潞野關稅

硃批諭旨

四

高斌

務郎中臣高斌謹

奏爲據實奏

聞仰祈

睿鑒事竊臣一介庸愚辦事生疎蒙

皇上特恩超擢兼理潯墅關稅務到任以來惟圖上報
天恩凡於

國課商民兩有裨益之事儘力次第舉行數月以來

商衆頗稱便利今有樑頭船戶貼匿名詞帖詆毀

臣者臣不敢欺隱謹據實陳

奏查潯墅關有邵伯鎮江二處樑頭大船撐樑頭者

本是船戶竝非客商專裝豆貨名爲加補料部定
則例一丈八尺樑頭納料六十七兩三錢裝豆二
千九百八十二石計算每石徵銀二分六釐如所
裝有逾此數按石另補鈔銀名爲外加船戶日久
弊生將船隻改造長大竟可裝三千五六百石至
四千石不等者臣於到任之後察知其弊逐船簽
量有比所報多豆三五百石不等者臣將量出豆
貨遵照部定則例丈八樑頭納料六十七兩三錢
除去應裝豆石外其多餘之豆照例每石二分六
釐按數加補俱彙入庫內是旣與部定則例相符

而此項船隻仍准其通行無阻乃樑頭船戶不得
遂其所欲竟刊貼匿名詞帖詆毀以洩私忿臣職
分當爲之事苟有益於
國課商民自甘任怨不辭但有此一事是臣不能善
於料理致生毀謗若不
奏明有干欺隱之罪爲此瀝情冒瀆

聖聰併將帖內事由另摺備述與所貼匿名原帖一併

密呈

聖覽伏乞

皇上恩賜矜全憫臣愚昧

聖訓批示使臣知所遵守臣不勝恐懼懇

恩之至謹

奏

大凡於心無愧之事不必恐懼匿名揭帖類斯刁風何
足爲憑若返躬自問有歉則不可固執亟應改革果如
所奏秉公執正而行刁頑之輩自不能遂其所欲然必
須商民實能受益方好

同日又

奏爲奏

聞事臣因江寧織造曹頌解運進京臣理合恭請

硃批諭旨

六

高斌

聖安於九月初三日自潞墅關起身來揚州於初七日
接到部文內開刑部侍郎黃炳奉

旨會同總河齊蘇勒蘇州織造高斌在淮安府審理潘
尚智慶元一案等因臣當卽起身於十一日到淮
見

欽差臣黃炳跪請

聖安隨會同審事伏思臣愚昧無知蒙

皇上天恩格外委用惟期悉心勉力秉公持平協同

欽差詳細嚴察以竭駑鈍耳爲此謹

奏

知道了舉凡一切差遣正爾報效之時其秉公竭力爲
之

雍正四年十二月初九日蘇州織造兼理潞墅關

稅務郎中臣高斌謹

奏恭

進各色宮燈十六對

所進過多矣以後製燈只須秀雅不必刻意精巧兼費
雕繡之工物力殊爲可惜朕觀近來綵繡每多用於不
當用之處爾等職司織造類此奢靡之習極當加意禁
遏毋令過盛斯於風俗甚有關繫實力行之

雍正四年十二月十三日蘇州織造兼理泲墅關稅務郎中臣高斌謹

奏爲奏

聞事竊臣查得江蘇地方十一月內尚有陰雨撫臣陳時夏齋戒祈晴於中旬內已慶晴明市上白米每石價銀一兩三錢次白米一兩二錢麥價每石八錢所有十一月晴雨日期米麥時價謹繕摺具

奏再臣於十二月十二日自宿遷回至泲墅關署合

併奏

聞謹

奏

朕觀陳時夏是一實心任事之好巡撫爾近在同城可留心體訪秉公據實奏聞至其操守更無可擬議但恐有矯情沽譽之疵耳

雍正五年二月初一日蘇州織造兼理泲墅關稅

務郎中臣高斌謹

奏爲遵

旨覆奏事正月二十日臣家人齋摺回蘇臣開讀

皇上硃批諭旨跪繹再四仰見我

皇上聖明洞鑒陳時夏果是一實心任事之好撫臣臣

看陳時夏到任以來虔誠齋戒祈晴嚴查倉庫虧
足禁止販米出洋力行保甲留心吏治每行私訪
辦事勤勞竝不見有沽取虛名之處到任未久聲
名甚好民間皆說是清廉好撫院但臣愚昧識見
淺陋謹遵

諭旨留心體訪一有見聞卽秉公據實密

奏斷不敢欺隱斷不敢洩露謹此覆

奏所有奉到

硃批奏摺一并恭繳謹

奏

陳時夏甚爲朕所賞識之人若肯不務虛名則可謂全
才矣

同日又

奏爲奏

聞事竊臣查得蘇州地方正月內雨順風調時和物阜
兆民歡樂共祝

皇上一人有慶

萬壽無疆市上白米每石價銀一兩三錢五分次白米
每石一兩二錢六分麥價每石一兩五分所有正
月晴雨情形米麥時價謹繕摺奏

聞謹

奏

初春農事方始何敢遂言物阜二字耶

雍正五年二月十五日蘇州織造兼理滄墅關稅
務郎中臣高斌謹

奏爲奏

聞事竊臣蒙

皇上天恩兼理滄墅關稅務自雍正四年二月十三日
收稅起至本年二月十二日已滿一年共收稅銀
三十一萬一千三百四十兩零內該額稅銀一十

九萬一千一百五十一兩零除第一第二第三三
季額稅銀一十四萬三千三百六十三兩零已經
按季解交戶部訖現在第四季額稅銀四萬七千
七百八十七兩零併盈餘銀一十二萬一百八十
八兩零卽日填批起程解送戶部交納外理合繕
摺具

奏伏乞

皇上睿鑒施行謹

奏

辦理甚屬可嘉

條奏一摺交發部議矣

同日又

奏爲遵

旨覆奏事二月初二日臣家人齎回臣恭

進宮燈一摺奉到

硃批仰見我

皇上至聖至明躬行節儉臣愚昧無知製辦不諳費用

雕繡之工於不當用之處蒙

天恩誠勉

聖訓周詳臣跪讀之下始恍然自失感愧交并惟有凜

遵

諭旨類此奢靡之習加意禁遏不敢過盛益加謹身節
用實力奉行以仰副我

皇上愛惜物力防遏奢靡之至意所有感激愚忱謹此

覆

奏并繳

硃批謹

奏

朕凡所批諭皆出於誠非徒於語言之間求美聽聞也
向來以崇尚虛名爲戒恥而不爲爾奉此等諭旨當深

硃批諭旨

十一

高斌

信實行以仰副朕意不得少存卜度臆見設或妄擬如
何若何則失之毫釐謬以千里朕之素性遇當用處從
不吝惜如不當費而費卽深惡之一切賞賜亦然朕意
爾其知之

雍正五年三月初四日蘇州織造兼理潯墅關稅

務郎中臣高斌謹

奏爲奏

聞事竊臣查蘇州地方二月內雨暘時若二麥春花滋

長茂盛

皇上特命大臣到蘇興修水利萬姓均戴

皇上仁同覆育念切民依

厚澤洪恩疊加屢沛黃童白叟鼓舞懽忻市上白米每
石價銀一兩三錢次白米每石一兩二錢麥價每
石一兩所有二月內晴雨情形米麥時價謹繕摺

奏

聞謹

奏

朕因去歲秋冬以來至今歲正月雨雪過多恐於民間
播種有妨甚屢憂念覽爾此奏深爲慰悅但一切奏聞
總須據實不可少涉粉飾在爾膺欺誑之咎朕卽無所

殊批諭旨

十三

高斌

爲憑矣朕豈幸災祲而不樂聞豐稔不過欲得真實情形耳

雍正五年四月初一日蘇州織造兼理潯墅關稅
務郎中臣高斌謹

奏爲恭繳

硃批事竊臣奉到

硃批諭旨跪讀之下隨叩首恭謝

慈訓伏思臣質本駑鈍受

恩深重自知毫不能報只有良心不昧惟此不敢欺隱
之愚誠不肯自造罪孽上負

天恩凜遵

聖訓臣益加勉力深信篤行以圖仰副我

皇上再三諄切誨諭之至意臣不勝依戀之至謹

奏

覽奏備悉爾之誠悃惟以堅守初志不隨境而遷爲是

雍正五年五月初四日蘇州織造兼理潯墅關稅

務郎中臣高斌謹

奏爲叩懇

天恩仰祈

睿鑒事竊臣籍隸內府生長京師從未遠離

硃批諭旨

三

高斌

帝闕今來蘇州一年有餘犬馬依戀之愚誠不能自己
今年八月輪當臣解運進京臣現在兼理潁墅關
稅務相應照年希堯往江西之例暫委就近地方
佐貳官一員代行文移臣未敢擅便理合

奏明以便行文蘇州撫臣派委俾臣得稍申瞻

天仰

聖之誠心

天恩出自

聖慈臣不勝瞻望叩懇之至謹

奏

爾不必來京已另有旨矣

雍正五年九月初二日蘇州織造兼理潁墅關稅

工部務郎中臣高斌謹

首奏爲奏

聞事竊臣查得蘇州地方八月內早稻已經刈獲晚稻
遍野鋪黃高下田禾一樣豐登市上米價平減白
米每石一兩一錢次白米每石一兩麥價每石九
錢八分所有田禾情形米麥時價理合據實奏

聞謹

奏

硃批諭旨

古

高斌

江蘇所屬州縣內報災者數處何云高下田禾一樣豐登朕屢諭一切據實陳奏不宜仍蹈隱諱故轍嗣後不可

雍正五年十一月初七日蘇州織造兼理潞墅關稅務郎中臣高斌謹

奏為請旨事竊臣准蘇州撫臣陳時夏咨為欽奉

上諭事雍正五年八月二十五日准禮部咨開浙江巡撫李衛奏稱西湖

行宮曾經

聖祖臨幸餘賦閒設湖濱懇請良不必民開廟門欽

定嘉名開寺門開關入善賢以出入卦來與善門御書匾額延訪高僧於中焚修頌祝等因奉

聖祖仁皇帝念切民生省方問俗不費地方會絲一粟每

次頒發諭旨甚明此天下臣民所共知者至於

駐蹕之所地方豫備行宮乃出於臣民愛戴之心不能禁

止亦天下臣工所共知者今行宮既屬閒設每年修葺需費防護需人在本地有司未免又多一番經理

殊批諭旨

五

高斌

非所以體 聖心而惜物力也李衛所奏甚是節照所請行其餘地方
戰有行宮之處如何辦理方為妥協著該督撫會同該
管官悉心商酌具奏請旨該部知道欽此欽遵鈔出
入到部為此合咨前去欽遵查照施行等因到院准
此除行蘇州布政司遵照外相應咨會等因准此
臣謹遵查得蘇州織造衙門西邊

行宮在於織造衙門之內不比西湖河濱之地若延僧居
建宮佳另開寺門則閒雜人等得以出入往來與衙門
毗鄰逼近殊覺未便以愚見不必另開廟門於

行宮正殿供

佛一尊卽派撥織造衙門內老成人一名朔望虔奉香火
餘日敬謹封閉既不另設看守人役而每年修補
滲漏所費無多固不需本地有司經理也是否妥
協伏乞

皇上訓示以便會同陳時夏定議具奏為此繕摺請
旨謹

奏

此議妥協應如是

雍正六年六月初二日浙江布政使臣高斌謹

奏爲奏

聞事竊臣查得浙省布政司衙門收兌錢糧每百兩有餘平二錢餉費二錢每年約收錢糧二百餘萬兩計應收餘平餉費銀共八千兩零內除抵補放給駐防滿洲兵餉秤封拆折銀一千餘兩實剩銀七千兩有奇經督臣李衛

奏明卽將此項銀兩留爲布政司養廉等因遵行在案第歷來餉費銀兩係指明另收而餘平一項則於兌銀時豫將天平針鋒敲斜偏重暗爲加收名曰每百兩二錢實不無浮溢之處臣思旣蒙

皇恩賞給養廉又何敢額外多收況坐平暗收迹涉曖昧擬將應收數目明示各屬收兌之時明加法馬二錢將天平較準左右彈兌不使書役舞弊高下其手臣將此情由業已稟明督臣并行牌通飭各屬知照在案臣辦事駑鈍初到任所一應事件本不敢輕易更張惟是養廉一項係臣自己所得若於到任之初不速出明示而暗昧多取何以潔己率屬此臣之所斷斷不敢者也但臣識見淺陋未知當否爲此繕摺奏

聞伏乞

殊批諭旨

七

高斌

皇上恩加訓誨使臣知所遵守臣不勝瞻依之至謹
奏

好勉之無緊要事奏摺不必頻仍此任非比前任織造
原無可奏案件不過採聽風聞入告今藩司事繁任重
擇緊要應奏聞者摺奏以聞可也

雍正七年二月初一日浙江布政使臣高斌謹

奏爲奏

聞事竊臣查得雍正六年分浙省額徵地丁司餉銀共
二百一十七萬餘兩司庫所收錢糧歲內截數六
年地丁共收一百五十四萬餘兩已完有七分以

上趕至奏銷之期尚有五箇月蠶市麥熟正民間
爭先完課之時六年分奏銷通省錢糧可完至九
分以上此皆我

皇上深仁厚澤減賦復科屢沛

恩膏有加無已是以民心感戴士習還醇人慶豐年爭
先完課

聖教覃敷此明效也臣查通省七十七州縣錢糧歲內
所完分數各有不同或應嚴行飭催或應詳請獎

勵臣自當竭盡誠心請示督臣李衛和衷妥議分
別勸懲以示鼓勵外臣最慶幸者各屬歲內所完

殊批諭旨

六

高斌

分數惟嘉興府屬爲最七縣中嘉興秀水海鹽三縣俱於歲內全數通完其餘四縣亦完至八九分實係好員以上實係罕觀之事嘉興府知府閻堯熙雖非明敏長才殊屬實心辦事之人署嘉興縣戈鳴岐督臣已

題請實授知縣秀水知縣魏大德已將題陞温州知府之杭捕同知秦烱員缺題請陞補仍令署錢塘縣事海鹽知縣王仕正督臣亦批行獎勸臣謹將雍正六年分歲內完解司庫錢糧分數據實繕摺奏

聞謹
奏
奏

朕欣悅覽焉
雍正七年七月二十五日調補蘇州布政使臣高

天恩事竊臣於七月二十一日接到署督臣性桂牌行旨蘇州布政使員缺著浙江布政使高斌調補兼理清查之事卽令赴蘇其任內交代事宜著方觀暫接兼

理浙江布政司印務著少詹提督福建學政程元章
署理等因欽此欽遵臣隨恭設香案望闕肅拜
關叩頭恭謝

天恩卽於七月二十四日將浙江布政司印并交代冊
籍移交按察司方覲暫接兼理應謹遵

諭旨卽速赴蘇但現在貯庫新舊正雜各款錢糧共計
三百六十萬兩有零必須親身交兌明白不過旬
日之內可完臣擇於閏七月十二日到蘇州布政
司衙門上任謹此奏

聞再臣現在護理兩浙鹽政印務相應移交何衙門之

處督臣李衛因等候

諭祭文未到未得起身回籍臣請示於督臣據李衛云
方覲辦事明敏且諳悉鹽政若移交方覲護理猶
可無誤一面將情由

奏明請

旨遵行等語臣隨將鹽政印信一并移交方覲接授護
天恩理伏思臣蒙

皇上天恩調補江蘇繁劇重地其吏治不比浙江且清
查事務更關緊要臣聞

命之下感激奮勉敢不竭盡心力以圖仰報

殊批諭旨

二十

高斌

皇上委任洪恩但臣自知才識淺陋恐難勝任叩乞
聖慈恩加指示訓誨使臣知所遵守庶免隕越之虞謹
皇上此繕摺恭謝藉禁臣重其吏部不且此且哉
天恩謹

奏
此任原係繁劇之地朕非用汝之才用汝之不忍欺飾
耳百凡無隱秉公竭力更不瞻徇避忌克勤克慎偶有
無心過咎智力所不到處朕自原諒於汝設或稍涉欺
隱因私廢公則不汝輕恕也勉力爲之

同日又奉諭因等類

奏爲奏
聞事竊照浙省地方荷蒙
皇上教養洪恩民心感戴士習還醇百姓鼓舞完糧地
方官易於催科六年地丁奏銷完至九分半以上
特恩蠲免六十萬兩十分減二百姓尤易上納現在已

收有七十萬餘兩

聖德覃敷已有成效入夏以來通省雨水調勻各處田
禾茂盛惟嚴州府屬之分水桐廬縣稍覺缺雨接
連杭州之富陽近日已得透雨將來不過略減分

數又衢州府江山縣因大雨起蛟山水陡發傷人
十餘口隨即公議動支司庫備公銀四百兩交知
望新府郭朝瑞親身查勘撫恤其餘各地方早禾現在
豐收晚稻可望大熟臣謹據實具

奏上慰六十萬兩十分之二百按武邑上縣與五百

朕懷深慰

聖懷再海寧海塘每歲俱有險工應須修築現在六月
望汛七月初汛塘工各員接連稟報海中漸長暗
皇上沙一股阻抑水勢以致南北兩岸潮頭分作三路
閘車谷井一處激起浪頭數丈直逼東塘塘脚護沙洗
表去潮勢衝刷坦水灘卸塘根坍塌等語適因管理

海塘之杭嘉湖道王斂福自溫州來上新任臣即
面囑其速往看視一面詳明署督撫另發銀四千
兩爲豫辦料物之費王斂福亦甚知塘工緊要即
去赴工署督撫性桂蔡仕勗從前未經辦理過塘
工督臣李衛歷年經手深悉海潮利害面囑署督
撫將工程扼要之處再三言之二人於七月十四
日同往查看回來之後性桂目擊情形方知果險
蔡仕勗止云坦水不甚得力塘身無妨意中不關
緊要被督臣李衛著實痛說署督撫現今纔商議
奏明并繕本具

題臣愚昧之見今年潮勢不比往年且閏月在秋秋
汛日多若遇大風暴雨潮頭衝擊實難保其萬全
臣意須多備料物分貯頭險次險各塘除現有管
工官員之外再將試用人員或佐雜等官內多揀
幾員令赴要工處所分地防範於閏七八月大汛
之期務必晝夜坐守如有緊急衆人一齊協力幫
助隨坍隨補搶護保固庶可無虞臣不敢以身已
離任將地方要務視同膜外已再三面囑方覲與
臣所見相同俟接受交兌錢糧完日伊卽親往塘
工查勘酌量辦理謹據實奏

聞謹

奏

爾今雖已離浙當再寄字與蔡仕艸方覲等令其極力
敬慎預爲防備復誠禱

海神以期感佑庶冀可保無虞也

雍正七年閏七月二十七日蘇州布政使臣高斌
謹

奏竊臣包衣微末蒙

皇上天恩格外超擢養育教誨

恩澤洪深難以備述臣感戴之誠莫能於

殊批諭旨

三

高斌

奏摺內以數語形容

高厚惟有潔己奉公實心效力不敢稍有欺隱不敢略
存瞻顧勉竭駑鈍力勤職守但自知才識短淺實
難勝任然不敢不勉強奮發學習辦理今有

奏明事摺一件謹呈

聖覽謹

奏

覽奏朕甚嘉之果能公勤自矢何事不克辦理勉爲之

同日又

奏爲奏明事竊臣欽奉

恩旨調補江蘇布政使於閏七月十二日到任後隨將

趙向奎任內存庫印簿併所存庫房底簿查出逐

一核對內有止記底簿而不入印簿者并有底簿

亦不明填而止記暗號者多記有家人王姓崔姓

取進字樣逐細核算究問庫書查出趙向奎侵欺

錢糧數目如起解京餉則扣尅解官水脚銀兩解

部元寶則抽出添兌碎銀收放錢糧出入則有短

平餘銀又收火工侵沒缺站扣頭等項此確有實

數可計者共侵欺銀七千八百六十餘兩再所收

小錠及雜款錢糧每千兩又額外索取小包銀五

六兩不等又每月取進併存餘銀約四五十兩至七八十兩不等通共侵欺銀一萬餘兩再查雍正七年應辦並下二運銅斤派委蘇松常揚四府知府承辦洋銅每百斤部定價銀一十四兩五錢江蘇近年每百斤扣節省銀一兩五錢存貯司庫乃趙向奎於松常揚三府節省銀兩照例扣存惟給領蘇州府徐永祐應扣節省銀六千二百三十六兩零明係與徐永祐夥同串通作弊又各屬報到節婦孝子二十六件例應核實轉詳業經繕文用印因家人需索陋規措留不發至摘印之後始行

發房又有服滿役滿到任繳照等項印文二十五件亦係家人因勒索陋規不遂措留在署俱於摘印後發房以上各款臣既經查出隨將趙向奎侵欺銀兩開具細冊并各款俱經詳報

欽差并督撫在案其庫貯錢糧有無虧那情弊統於交盤案內詳細查明另行詳報謹先繕摺

奏明謹

奏

逐一嚴行察出毋使絲毫疎漏以爲負恩貪黷者戒

雍正七年九月十一日蘇州布政使臣高斌謹

奏為密奏事竊臣查得江蘇地方清查積欠錢糧一事蒙

特恩欽差大臣等總理又派委分查大員及協查人員
奉 屢 頌

聖諭訓飭指示苟稍有人心之人自當實心辦事實力
此舉原為清理地方積弊起見並非專欲徵斂錢糧夫
銅弊不除通省吏治有日馬爾泰伊拉齊協力辦事
事著實不容屬員浮混糧道馮景夏究心細查將
諄諄訓飭者為此故也歷觀汝等所奏以徵收之
寡為言慎勿錯會朕意但當於釐弊是務本既清則
不難治而查蘇州府亦無所藉口若汲汲遑遑惟設法
全現官役里書地棍之侵蝕包攬既分則實在民

催徵恐無知小人不達朕為地方風俗之本旨錯會妄
欠內之紳矜大戶及有力之家將無以自解有不
度甚有不便諸凡處加詳加與為之
待勸輸而自會急於完納者此理勢之必然也此
皆

聖明簡用得人清查要務深喜得有頭緒惟分查鎮江
府屬之汀漳道朱鴻緒辦事乖張不循規矩任意
妄行在丹徒縣清查硃筆書寫急公全完錢糧即
全忠孝子孫興盛天必錫福滿門告示遍貼城鄉
以致有朱化緣之號又金山寺僧欠糧差拏至府
學明倫堂用磚塊磨頂處治又拏欠戶以銀硃染
鬚貼欠單於頭上押令遊街又因欠戶懇求寬限

罰以舌頭餽地泥土又在明倫堂拏欠糧生員令其朗誦

聖諭廣訓半箇月始放又於明倫堂做竹籠一箇內用竹尖四條將欠戶鎖於籠內不使展動其所行不堪細數大約皆如此類以致民怨沸騰臣訪聞的

實面稟

朱鴻緒之行爲據馬爾泰亦皆奏過其跡雖覺怪僻然

欽差臣馬爾泰請先傳調該道來蘇面詢再議

尚屬實心任事之員且再加勸誠試用看欽差亦同有訪聞隨傳朱鴻緒到蘇詢問伊竟自認不

諱

欽差等以該道雖所行不妥原其本心尚屬急公且因

此見與朕意合

此輒行叅處恐長刁風是以止面飭該道令其改

過往查但臣細思朱鴻緒性情異樣終恐不能盡

改奉行不善有關政體伏乞

勝如朱鴻緒之人一時不能遽得皇上另簡賢員委以分查重任將朱鴻緒調回另用庶

爲妥協臣謹據實密以奏

聞謹

奏

覽

雍正七年十一月初四日蘇州布政使臣高斌謹奏爲遵

硃批諭旨

三

高斌

旨密保仰祈

聖鑒事恭照本年四月十八日欽奉

上諭京官自學士侍郎以上外官自藩臬以上著各人密保一人將其人可勝督撫之任或可勝藩臬之任據實奏明不必拘定滿漢亦不必限定資格若一時無深知可舉之人容其從容採訪不得草率塞責有負諮詢等因欽此欽遵在案臣留心採訪一時未得其人茲於九月二十日福建糧道張廷枚辦銅到蘇今已月餘彼此往還時常見面張廷枚在內務府行走時臣素所熟知未甚歷練今出外任經歷

二年臣看其居心行事與衆不同辦事細心其情性亦較從前平和實屬才守兼優可以辦理通省錢穀刑名之事堪勝藩臬之任理合遵

旨密保據實秉公

奏薦謹

奏

張廷枚中材也何至如此保薦

同日又

奏爲密奏事竊臣前奏清查江蘇地方積欠錢糧一摺奉到

硃批仰見

聖明遠照洞燭幾微始知從前設法催徵未能盡善茲

臣欽遵

聖訓詳慎籌畫其官役地棍之侵蝕包攬自是法所難寬而紳衿大戶之積欠纍纍原非田地磽瘠無力完辦之貧窶小民可比若不乘此清查印協各官齊力奮勉之時一併帶查帶催則一千餘萬之積欠幾時方能清楚完項臣細看通省地方情形今正當豐稔之年易於輸將錢糧係應完之項原不該拖欠拖欠卽屬頑民且惟勸諭開導竝不事徵

奏此縱有姦刁之民亦無從藉口但應仰體聖

聖心一面專以確實清查積弊力圖將來清楚爲本一

面令印協各官乘便查紳衿大戶及有力之家仍

照常勸諭聽其完納其本係大戶而故意花分小

奏戶者卽零星尾欠亦必查出令其速完至其餘鄉

皇僻小民實在低窪山河薄田所欠不過一兩以下

及數分者統計雖有成千纍萬之多但此等小戶

危必係貧窶之民似應暫緩催追以紓民力如此分

別清楚通諭印協各官實力奉行於

國計民生兩有裨益萬民自然共信共見咸仰

皇上爲民除累之

聖心臣將此意已面稟各官實代奉旨

欽差馬爾泰商酌俟撫准尹繼善回蘇里再面稟從

長妥議臣之管見如此是否有當伏乞

皇上恩加訓示謹

奏

因見汝等辦理不甚妥協錯會朕意已特降諭旨由內閣頒行矣

聖心同日又

奏爲奏明事竊照條奏內稱藩司衙門一體封鎖關

防一案奉

旨此奏甚屬可嘉著通行直隸各省實力奉行欽此欽

遵臣查得藩司衙門爲錢糧總匯之地因向不封

鎖出入自由是以弊端最多今奉

旨一體關防封鎖誠爲肅清吏治力除積弊之要務臣

欽遵奉行因衙門原係民房改設房地狹窄辦事

需用多人今應添設房舖廚竈屋間實屬不敷臣

詳明督撫於存公餘平銀內動支七百餘兩買鄰

居民房三十餘間高築牆垣圈進署內分住各房

書辦已於九月十一日封鎖關防其所需薪水之

費於

恩賞臣養廉一萬兩內一年賞給眾書辦銀一千兩按月散給至於各房書辦人等養贍家口勢必俱倚藉衙門為活查伊等舊日一切事件俱有陋規若嚴行禁革恐致別生弊端臣俱酌減數目准其收如此可謂得其肯綮甚屬可嘉受惟嚴禁不許招搖撞騙舞弊勒索不時留心查察有犯必懲再條奏內原令一年更換但臣衙門關防之人為數太多不比別衙門人少且上班者關防一年為期似覺太久下班者在家一年所辦案件均未經手難免生疎錯誤恐有未便容臣奉

聞行數月後再將實情奏

何必奏朕當稟明督撫酌如應題奏具題候部議可

聞請旨所有現在酌量辦理實情理合繕摺

奏明伏乞

皇上天恩訓示謹

奏

覽

雍正八年三月初一日蘇州布政使臣高斌謹

奏為奏

聞縣令循良堪膺擢用仰祈

殊批諭旨

三

高斌

睿鑒事竊臣查得金匱縣知縣王喬林年力精壯才守
委俱優又能實心辦事不務沽名洵屬循良之吏所
當仰請平三民賦一日糧稅亦如前數並請放

聖恩陞擢以示鼓勵伏查有太倉州一缺係直隸州統
轄四縣糧重事繁現在乏員臣稟商督撫請將王
喬林隨示

題補太倉州以收得人之效現在會疏具

旨外所有該員堪膺擢用緣由謹具摺奏

聞伏祈 聖恩再行欽此

聖鑒謹

奏

似此業經具題事件何又多此一番賣奏耶

同日又

奏為密陳通崇等處沙地劃分管理之案仰請

睿鑒事竊臣查得江南地方沿江濱海各州縣界內均
有沙地其名不一執業之民其初原係望水報陞
開墾成熟既非若腹內田地價買世傳而又地寬
土沃利重賦輕所以爭端易起如崇明縣漲地與
通州接近之扁担沙從前兩邊民竈互爭直至雍

正元年勘分

題結至今猶有逞強修怨鬪爭之事餘如通州與昭文縣民人互爭之薛家沙亦久構訟不休雍正六年間何天培條奏請將通崇等處沙地另分一縣以資彈壓戶部議覆令於州縣佐貳官內遴員管理將應駐何地之處妥議具題奉旨行文查議經督撫行委蘇松淮揚二道會同查勘因淮揚道河工緊要至今尚未卽往臣愚昧之見竊謂此等定界劃隸設官管理期於一勞永逸務在恩威並濟處置得宜使刁頑剛悍之積習知所改

移而覬覦侵奪之惡風莫敢再逞斯爲盡善必得仰藉

皇上天威特頒

諭旨專遣大臣勘議料理方足懾服安帖現今

欽差馬爾泰在蘇清查民欠虧空事務如蒙

諭旨著令侍郎馬爾泰就近前往逐一查勘定界立碑建署設汛劃分管理永禁越佔則愚民耳目震耀從此釁隙俱消約計往來竣事不過兩月於辦理民欠虧空原無遲誤而沿海沙民永遠息爭安業共沐

皇恩於生生世世矣再查此等沙地若通行查丈必有
盈餘如蒙

皇上天恩免治從前隱匿之罪著令馬爾泰於定界之
後委員清丈將丈出餘地許令增正辦糧以昭
聖主寬大之典則沙民感激益深而

國課亦無隱漏臣冒昧密陳是否可行伏祈

聖鑒謹

奏

此事應言之撫臣具疏題請者何得越分具奏

同日又

奏爲奏明酌行存七糶三之法遞年易穀還倉以收
積儲實效事竊臣查得常平倉積貯米穀關係地
方儲備要務是以屢屢

宸衷頻頒

諭旨并令將州縣一切例積米石全數易穀以爲經久
之計

睿慮至周而立法至備惟是江南地氣卑濕不惟米難
久貯卽稻穀多經歲月亦有霉蒸蟲蛀不無虧折
况奉文以米易穀已歷三載而州縣未經易換者
尚多臣於到任後卽照案嚴催易換現今通共已

報易存稻穀一十九萬餘石尚存未易米糧一十九萬餘石揆厥所由蓋因新穀既登則民間不樂買此陳米求糶甚難若出賣於春夏需米之時貯價以待秋成買補該管府州慮恐印官虛報捏飾或那移虧空往往牽制掣肘卽州縣之因循畏縮者亦恐經糶數多至秋一時買補不足或致賠累坐是遷延歲月莫肯勇往從事臣查存七糶三本屬定例最爲良法近經稟商撫臣統計州縣現存米穀以十分之三照依時價令於今歲青黃不接之時零星糶賣先儘糶米次及陳穀糶竣之日將

銀解貯府州收庫一俟秋成卽催具領買穀還倉嗣後永照此例挨年次第出易總期三年之內全厥一換週而復始不但米無滯變之虞卽穀亦可免陳因之患矣臣業經詳奉督撫批准現飭各屬一體實力遵行但查部文行令米俱易穀已歷三載乃今猶請均年糶易似屬輾轉遲延然實由前此因循貽誤今須斟酌變通至存七糶三雖係定例向來實未奉行緣係倉儲重務屢厯

宸衷籌畫臣謹將辦理緣由具摺

奏明伏祈

聖鑒謹

奏
凡地方一切事件原當權宜補救斟酌辦理果係公當
得理之舉卽應呈請督撫咨明該部或竟具題奏聞何
煩汝以密摺具奏朕觀此事竝無可密之處所奏殊屬
不協似有無可敷陳勉強支吾光景在汝支吾不過聊
以塞責獨不念朕一日萬幾之繁乎

雍正八年十一月二十八日蘇州布政使高斌

謹

奏爲密奏事竊臣訪得江南河庫道康弘勳於所屬

徐州蕭縣地方置有莊房地土令伊妻及長子康
玉居住時常在道署往來伏思任所置買田宅已
干

功令而又令妻子居住往來尤足以啓河員奔競鑽
營之弊實於官方有礙又訪得伊子康玉與做工
裁縫田四爭姦將田四毆時毆斃康玉挽人說合
行賄免驗該道康弘勳又差役勢勒銷案此係雍
正四年十月間之事迄今四載

國法未伸臣訪聞旣確事關道員違例置產縱子毆
斃人命不敢因係臣到任以前之事爲可以諉卸

自蹈欺隱之咎謹將事蹟備細開列奏
聞伏乞 聖鑒謹

奏

密告之於撫臣尹繼善河臣稽曾筠俟伊等查實叅處

雍正九年三月初一日蘇州布政使高斌謹

奏爲密奏事竊臣因督臣高其倬已到新任臣衙門

現辦一切案件及目前賑濟一應要務應面稟督

臣請示之處甚多謹向撫臣稟假於二月初九日

起身赴江寧省城謁見督臣於臣辭待回署時督

臣向臣言你回去爲我多多致意尹大人我兩人
身授封疆重任必須同寅協恭和衷共濟方能有
成卽如兩人同肩一擔若一欲向東一欲向西勢
必一步不可行現在下江地方吏治比從前大不
相同年來得尹大人盡心竭力辦理已有八分成
效我再竭我駑鈍殫心勦助一二庶幾報效

皇恩高厚萬一但我兩人不能時常到一處會面辦理
一切案件不經面商批行勢必不能畫一總在至
誠爲公絲毫不存形迹爲要若稍有形迹屬官甚
多奉行便有難處其中不肖之員便乘機構釁其

弊不可勝言我們所當深戒更可笑者兩家幕賓見主人有意見不合之處便於往來文移中各自爭強取勝嫌隙由此而成漸致不可解釋我兩人幸得同擔一處重任萬一漸致此等模樣何以上對

君父我今日所言若有一字言不由中非係出於至誠將來所行若稍有與今日之言不相符處何以見你你務必將我再三懇切之誠心轉致尹大人就如我面語一樣等語臣回蘇卽將督臣之言竭誠轉述與撫臣撫臣言制臺我平日極佩服的不必

皇上如此留心我自寫字回覆制臺就是了等語臣在天恩蘇州同撫並尹繼善辦事年餘尹繼善才識明白關其辦事果斷與署督臣史貽直意見參差致成嫌隙命之督臣高其倬有鑑於此是以豫先再四懇切囑臣藉致意所有近日往江寧回來傳話緣由謹密奏

聞謹高其倬人謹密奏

督撫同守封疆宜和衷共濟若意見稍有參差最易致成嫌隙此乃情理之必然者今高其倬尹繼善二人朕可保其同心平德定不至有所乖異也

雍正九年三月十八日調補河南布政使臣高斌

謹

奏為恭謝

天恩事竊臣欽奉

上諭高斌為人謹慎操守亦好但非肆應之才不宜江蘇繁劇之任著調補河南布政使欽此臣聞聖鑒命之下隨虔設香案望

闕九叩恭謝

天恩伏思臣屢受天恩善報事半始天恩善本滿門白皇上殊恩委用江蘇藩司重任臣自知才力不勝雖竭盡

駑駘勉強圖報而惟恐曠職之念時刻實未敢忘

今蒙

天恩調補河南布政使臣跪讀

恩旨感動五中涕淚交流不能自禁惟有竭臣駑鈍殫

心盡力矢圖報效萬一再臣更有叩懇

天恩者臣生長內府身受

皇恩至深至重自雍正六年四月出京赴浙迄今已踰三載因羈於職守不敢妄求而依戀愚誠積久愈切茲於赴任北上之便懇求

聖慈准臣進京瞻仰

天顏面請

聖安敬聆

聖訓前赴新任往返程途不過一月實屬順便臣不勝

懇

恩待

命之至謹

奏

且不必入覲河南離京甚近候旨召見可也

雍正九年八月二十八日河南布政使臣高斌謹

奏爲奏

聞事本年八月二十七日據汝寧府知府費謙流稟稱

奉委查驗南陽府屬驛馬經過南陽縣所轄之林

水驛地方適遇湖北官兵經過本月二十日應駐

林水驛而離驛八里駐宿二十一日應駐南陽縣

而離縣十八里駐宿不用地方官所躡空閒之地

另於有秋禾地畝安置營盤謙流身親觀看二十

日官兵駐宿處所地內所種豆子蕎麥踐踏無存

南北約三四里東西約十二里而附近地畝尚有

踐食并鑷割之處等語據此隨又接奉撫臣牌開

准荊州領兵副都統咨開本副都統帶領滿兵一

奏爲恭謝

天恩敬懇

聖慈事竊臣身受

皇上洪恩至深至重涓埃未效時切悚惶茲於數月之

內疊奉

恩綸甫調河南布政使旋補北河副總河今復

命往署理四川布政使臣隨處設香案望

闕九叩恭謝

天恩伏念臣半載以來蒙

皇上恩賜保全復加委任一而再再而三以至於此總

良再由臣才質庸愚之故卽此屢厯

天心實覺負疚無地不禁感奮至極而魂夢難安涕淚

交溢也縱具百身頂踵亦難圖報涓埃只此一點

愚誠何以報

主恩之高厚惟有時時殫捐糜難報之心事事竭駑鈍

無能之力奉揚

聖化奮不顧身以仰副

皇上生成造就之

隆恩於萬一抑臣更有叩懇

天恩者四川至京五千餘里臣到任之後惟盡心竭力

殊批諭旨

望

高斌

天恩在任辦事何敢再以引
見奏請輾轉思維戀
主之誠愈覺刻難緩待督臣現今裁酌奉到部文即將
任臣只將經手錢糧交代清楚於十二月初間即
主恩可起程計進京赴川較之自豫赴川僅多程途
十餘日伏乞

皇上俯憫臣外任已久遠任在即更
沛天地父母之恩准臣進京引
見再赴新任俾臣叩觀

天顏以伸犬馬之忱跪承
訓旨以爲服官之法臣曷勝懇
恩待
命之至謹
奏

另有旨命大學士轉傳

雍正十年三月十六日管理兩淮鹽政布政使臣

高斌謹

奏爲密陳鹽政情形事竊臣才識庸愚至駑至鈍蒙
皇上天恩委以兩淮鹽政責任重大深懼蚊負已於

皇十月初六日到任受事一月以來細查案卷詳核引
課確訪場竈口岸之弊體察總商散商之情雖未
能條分縷晰提領挈綱而憤悱苦思亦自微窺其
大概伏查現今兩淮鹽政之弊最關緊要者在展
限壓綱而捐項虛懸積欠纍纍必當急圖清完積
欠以便提起壓綱漸復原限考成爲第一要義而
總在商情實能踴躍急公則趕復原限庶不致曠
日遲久查兩淮商人行銷引鹽歲辦二百五十餘
萬兩之正雜課餉錢糧而此外之各口岸匣費等
項并商人家中用度虛糜奢侈所費不貲而一年

行鹽所獲之利息儘足供其妄用卽此可見實係
商習仍前不能謹身節儉該管鹽政竝未能爲之
調度之所致更可見實非商力有所絀乏而辦課
維艱也如果誠心踴躍急公兩淮商力每年令其
多帶完十餘萬兩錢糧隨引上納補其欠項固非
勉強難行之事臣愚昧之見現今欠捐之鹽規引
費公務薪水等項積欠至數十餘萬之多自應分
年帶完以紓商力其帶完戊申一綱已定寬限十
年之久似可以不必再議更爲寬限也惟是商情
之踴躍急公務在催徵之得法當有以鼓舞而勸

導之所謂寓撫恤於催科者也司其事者果能公忠清白身體力行通商裕課事有實效其長應鹽政內之撫恤場竈禁弊緝私疏銷利運清釐口岸力挽奢靡俱可以因時隨事相因辦理矣然臣萬不敢沽名避怨但淮揚風俗腥膻人言嘖嘖無端之誹謗譏談每生意外臣必不敢矯枉過正辦理孟浪更不敢有瞻顧而畏縮不前也況蒙 聖命其特頒諭旨令署督臣尹繼善與臣和衷共濟較前此地方大吏俱漠不關心者又有不同類此未始無天恩體恤感激難名臣不揣愚昧謹將商力實在不至

困敝情形據實陳

奏統乞

皇上天恩訓示謹

奏

如此立志有何可諭但言之易行之難公私義利之間非大丈夫具大聰明識見人未能卓然不撓章奏虛詞朕殊不以爲信須行與朕看

雍正十年十二月二十六日管理兩淮鹽政布政

使臣高斌謹

奏爲密奏事竊照江蘇沿江沿海地方七月間偶被

奏風潮荷蒙

皇上天恩卽降

諭旨被水小民著誠心撫恤毋使流離失所至於今冬
冰雪嚴寒之際明春青黃不接之時尤當預爲籌畫
資其生計著詳悉妥議奏聞辦理欽此欽遵臣於十
月十九日回任隨接得蘇州撫臣喬世臣移會內
開被災各屬輕重不等總以潮水淹及之地爲準
核實被災戶口實係赤窮不能度活之戶於年前
賑以兩月口糧十月內開賑一次至十一月底再
賑一次來春正二月間再賑一月每月大口給米

煉不升斗小口五升若便於折銀之處以銀一錢抵米
一斗被水竈戶卽動鹽義倉糧散給已經督撫會

同具

奏奉

硃批俞允等因臣隨卽欽遵飛檄辦理將通泰淮三分
司所屬豐利等被水二十五場一應查賑散賑事
宜明白通行曉諭竝於分司場員接見之時再三
詳細指示面囑務期實力奉行無濫無遺妥協辦

皇恩理以仰副

皇上愛養黎元至意惟思新春正二月間三次賑畢之

硃批諭旨

聖

高斌

皇上後直至四月青黃不接爲日正長必得加沛
皇恩再賑一月口糧窮竈庶能度活又思民竈一體竈
戶若行加賑不特江北通泰等處之民戶必得
體加賑而江南蘇松等處沿江濱海較此被災稍
重之處更須一體籌及臣仰體

皇上念切民依至意既有深知灼見理合據實密
奏如蒙

皇上天恩特頒

諭旨大沛恩膏
敕下江南督撫酌量各屬被災重輕戶口多寡於正

學月間三次賑後再於三月初間不必依谷
恩賞加賑一月口糧如有本處倉貯米穀不敷賑給之
州縣不必令往遠處盤運多費水脚卽令折銀賑
給其豐利等場之竈戶卽動鹽義倉糧一體加賑
則海隅億萬蒼生含哺鼓腹共沐

聖主格外洪恩矣爲此謹
已另有諭旨矣

天恩雍正十一年三月初一日管理兩淮鹽政兼署江
寧織造龍江關稅務布政使臣高斌謹

奏爲恭謝

天恩事竊臣接到大學士張廷玉寄字雍正九年工

月十二日奉

上諭年來嵇曾筠辦理河工甚爲妥協但黃河工程關係緊要除嵇曾筠外欲更覓一明曉河道情形者不得其人朕思高斌現在江南管理鹽政若從此講論河工事務將來可望熟練著就近在嵇曾筠處學習竝非以嵇曾筠不能專理更須人協助也爾可寄信與嵇曾筠令其留心教導竝寄信與高斌令其加意學習凡有題本奏摺之處高斌俱不必列名欽此遵

旨寄信前來臣隨虔設香案望

闕叩首恭謝

天恩伏思臣才識庸愚毫無寸長而受

恩深重奮勉圖報之悃誠積久彌篤早夜自思如得奔走效力之地殫竭微勞庶幾稍報萬一今奉

恩旨格外造就期望成人臣感激涕零將來得漸曉河務機宜以備驅策正遂臣之素願不勝歡忭踴躍
欽遵

聖諭就近在嵇曾筠處加意學習專心致力討論講求
以仰副我

皇上恩勤教育之

聖心所有臣感激微忱理合繕摺專心伏乞
奏謝伏乞

睿鑒謹

奏

覽奏知道了悉心盡力學習不但河工事務卽嵇曾筠
之居心爲人亦當勉力效法嵇曾筠忠正人也

雍正十一年四月初四日管理兩淮鹽政兼署江
寧織造龍江關稅務布政使臣高斌謹

奏竊臣上年面奉

諭旨著臣留心察看魏廷珍臣數月以來時刻留心察
看其人操守清廉事情明白於兩江總督事務儘
能辦理不致貽誤但臣再四細加體察其人雖外
面無可指摘而臣中心實不能甚深敬慕今蒙
皇上訓示嵇曾筠居心爲人俱屬忠正臣看魏廷珍之
居心爲人其於忠正二字較之嵇曾筠實是不及
大概伊平時辦理事件常言只要有根據方立得
穩等語卽此細察若講究吏治則可謂老吏議論
若究其心術於大臣之忠正爲國如嵇曾筠爲人
自覺相去甚遠臣識見淺陋謹就所見密以奏

聞謹

奏言察其心術或大且之也其詞或激或諷皆從商人
若非實具公心不能有此目力深合朕之所見嘉是覽
之

同日又

奏爲密陳運司不能稱職仰請

聖鑒事竊照兩淮運使范廷謀原係姦猾老吏年已七
十五歲居心一味巧詐臣管理鹽政以來諄切勸
導冀其遷改乃日久牢不可破每事徇情沽名只
圖商人稱譽不顧鹽政緊要因臣將伊舛錯之處

屢加駁飭時常當面規誡伊近日辦事更多遲慢
聖恩推龔粧病顯然有心掣肘臣實不能收臂指之效
且恐將來貽誤公務理合據實密

奏伏乞

皇上特頒諭旨將范廷謀撤回進京引

見應作何處置恭候

欽定所遺運使要缺臣知有新調江南驛鹽道包括現
皇上任揚州府知府尹會一均屬操守清廉辦事秉公
之員仰懇

聖恩於此二員中

殊批諭旨

辛

高斌

特用一員補授令速就近接任則督催轉運諸事不致
遲滯實於鹽政有益統祈

皇上睿鑒施行謹

此奏是候另降諭旨

皇上雍正十一年九月初八日管理兩淮鹽政兼署江

寧織造龍江關稅務布政使臣高斌謹

奏為恭懇

聖恩簡發人員以資委用事竊照兩淮鹽場大使共二
十八員所有該場經徵折價催運緝私諸務甚屬

皇上緊要該員各有專責而部撥京協各餉例差現任

奏場員押解每年約需十餘員二十員不等其出差

所遺之缺并此外事故出缺及差委巡緝各務均

需人員委署辦理雍正九年四月內蒙

聖恩簡發鮑斌等十員

命以鹽場大使委署試用內除丁憂事故三員所餘七

員已經陸續

題補并現在場員缺出委署試用此外所出之缺委

奏用乏員多係兼署初試微員恐有不能兼顧之虞

再一應差委諸務乏人辦理頗費周章茲據運使

尹會一詳請
奏懇
簡發人員以資委用前來仰祈
皇上天恩敕部揀選十員或十五員

命交微臣酌量以鹽場大使委署試用如能稱職照例
聖恩扣滿年限等十員

題請實授俾場務得員專理差委亦不致乏人於鹽
政實有裨益臣謹繕摺

奏請伏乞

皇上睿鑒施行謹

奏

有旨諭部矣

雍正十一年十一月初六日管理兩淮鹽政兼署
江寧織造龍江關稅務布政使臣高斌謹

奏為密奏事竊臣於本年十月初三日前赴清江學
習河務於十一月初四日回江寧織造衙門臣到
清江前往高堰徐邳一帶閱看黃運全河形勢各
處埽工閘壩機宜仰見

皇上聖謨廣運任用得人稽曾筠辦理周密老成妥當

臣欽遵

硃批諭旨

臣

高斌

聖訓向嵇曾筠專心致志竭力學習外茲有密
奏者臣聽嵇曾筠之言論屢次提及西柱性情辦事
不妥協之處臣看西柱在清江覺有抑鬱不舒之
意性情褊急協辦一應河務俱不能與嵇曾筠相
衷且住工日久未免希冀陞遷其爲人操守尚好
但旣不能裨益河工可否錄其寸長調回另用如
西柱另用伊現有

命交訓練河標兵丁一事求

皇上天恩交臣就近照管臣數月內往清江一次向嵇
曾筠學習河務就便即可指令將弁督率操練二

年之內可期精銳抑臣更有請者伏思河防重任
攸關奠定

鴻功實非尋常凡有才具之員槩可辦理必得通曉河
務而虛中無我方能敬領

聖謨指訓而不誤機宜必得公忠體國而操守潔清方
可歲銷數十萬金錢而無虞糜費向因南河風俗
久習澆漓效力人員雖衆其中欲求有志上進者
甚少臣爲儲才備用起見冒昧

奏請

聖訓可否

硃批諭旨

特旨敕部揀選各部院賢能勤慎司官酌派數員
命交嵇曾筠學習河務二年一回另派更換其學習之
員在工酌量委辦估工查料等事講求河道形勢
看築埽壩機宜期滿咨回本任出具切實考語記
名內有才器堪大用者另
奏保舉其不堪學習者不必久留在工於試用半年
之後即可咨回如此十數年奉
命學習之員既多則揀選通曉河務之人材自有不可
勝用者矣是否可行伏乞
聖明裁奪謹

奏
所奏俱屬合宜候另旨飭部施行

雍正十二年正月十七日署理江南河道總督印
務管理兩淮鹽政兼署江寧織造龍江關稅務布
政使臣高斌謹

奏為恭謝
天恩仰祈
睿鑒事竊
諭旨命
暫行署理
江南河道
總督印務
當即虔設
香

案望

殊批諭旨

高

斌

闕九叩恭謝

天恩伏惟江南河工關係重大仰賴聖明當明聖鑒睿謨宏遠疊慶安瀾實荷

天恩伏惟江南河工關係重大仰賴

聖主天功奠定今河臣嵇曾筠給假三月已將工程事宜縷晰條分面為指授但臣未能歷練身司典守蚊負堪虞惟有奔走河堤竭蹶僭辦修防加謹循已定之章程工料殷繁勤隨時之查察奮勉駑鈍以期仰副我皇上格外委任之至意臣於正月初二日自江寧起身奏初九日在清江接印任事除恭疏具

題外謹繕摺

奏謝伏乞

皇上睿鑒謹

奏

河務重大竭力勉為之

雍正十二年二月二十日署理江南河道總督印務管理兩淮鹽政兼署江寧織造龍江關稅務布政使臣高斌謹

奏為恭謝

天恩仰祈

殊批諭旨

睿鑒事竊臣於本年二月十五日接准吏部咨開欽奉
上諭朕因河防關係緊要特命大學士嵇曾筠在任守
制管理總河事務今據嵇曾筠奏稱現將本年各項
物料工程如何查核催償條晰指明交高斌辦理臣
於三月內料理喪事畢卽趨赴河工凡一應修守搶
護機宜臣務必悉心籌畫查察各工償辦妥協所有
總河印務伏祈仍著高斌管理臣協同保固伏秋兩
汛平安霜降之後籲懇俯准回籍終制等語河工事
務嵇曾筠已經辦理妥協今於料理伊母喪事之後
卽赴河工指示機宜則一應工程自可保固平穩伊

請將總河印務仍令高斌署理於霜降後回籍終制
情詞懇切具見悃忱著照所請總河印務著高斌署
理嵇曾筠於霜降後准其回籍終制再嵇曾筠本籍
常州距淮安不遠明歲工程亦可就近往來協同經
理在伊終制之心旣已得遂而河防事務亦大有裨
益欽此欽遵移咨到臣當卽虔設香案望

闕九叩恭謝

天恩臣菲材陋質荷蒙

諭旨暫署河務今以大學士臣嵇曾筠

恩准終制臣復承

殊批諭旨

奏

高斌

恩命署理總河跪聆之下無任悚惶伏思河防緊要雖
有大學士嵇曾筠於三月內卽來河工指示機宜
協同保固但臣身膺重任何敢稍存瞻顧藉以自
寬更須奔走河堤竭蹶辦理矢殫愚誠不留餘力

以圖仰副我

當此艱難之際

臣受

矢志奮勉甚好況嵇曾筠居址匪遙往來頗易於其到
皇上格外任用之隆恩再臣敬謹叩懇者臣受
淮之日逐一叩問遵循指示而行

實有不能周到之處若過於勉強恐多貽誤所有

江寧織造龍江稅關隔遠江寧兩淮鹽政錢糧重
此奏固是然鹽臣衙署在揚相距咫尺齟政何難兼理
大頭緒繁多伏乞

候另有諭旨

聖恩另簡二員分管倘蒙

皇上聖慈俯念臣辦事不敢欺隱或

命臣協同照料臣愚陋知見所及必當竭誠協助萬不

敢膜視旁觀則鹽關織造俱有專管之人臣專心

致力於河工俾得勉竭駑駘出自

皇上天恩臣不勝叩懇之至除具本

奏謝外謹繕摺具

奏伏乞

聖鑒謹

奏

硃批諭旨

五

高斌

覽

雍正十二年三月初六日署理江南河道總督印務管理兩淮鹽政兼署江寧織造龍江關稅務布政使臣高斌謹

奏為奏請

聖訓事竊臣蒙

皇上天恩署理總河任大責重竭蹶辦理事無鉅細不敢絲毫懈怠亦不敢稍有更張今已及兩月所辦事件不敢煩悉瀆陳謹將河務實在情形開具節畧敬謹

奏請

聖訓

一正月內正值修理惠濟閘即天妃閘及修築上流鉗口壩此閘係清口入運關鍵甚為緊要而重運糧船經由出口迎溜挽拽越河閘分流竝濟又須水勢平緩臣親往察看與道廳營汛各員商酌添釘排椿以資鞏固再加挑閘上河底開寬閘下兜灣以紓緊溜於五月初一日開放今兩閘溜水平緩日過重運糧船百餘隻挽拽快便

一路馬湖蓄水濟運關係甚大臣於二月十三日

前往察看斟酌蓄洩機宜卽便由清河桃源至宿遷一路查看黃河北岸工程內與運河最近之九里崗七里溝陳家樓皂河之夏家馬路等處最險工所推逐細詳加相度慎重修防
一駱馬湖口十字河之竹絡壩係宿遷黃運交匯之處今壩外支河淤淺黃溜南移臣相度形勢將支河加挑挖深二尺開挑河口引導黃流以便徐州糧艘由此入運
一駱馬湖蓄水應俟江廣重船入中河運口之日望開放濟運臣與道廳營汛各員細加商確慎審開

放王家溝口門丈尺濟運機宜

一今春運河水深足用惟宿遷之車路口桃源之砂疆溜磯心灘二處河底俱係硬砂歷來春月水淺漕臣魏廷珍向臣面言必得四尺五寸深水重船方不致起駁等語臣親至二處探量水底相度形勢加築束水草壩又以叅將朱永凡之言於河中接築順水草壩水勢添長糧船通行無阻

一儀徵清江閘口至揚州三汊河攸關江廣漕運江湖淤淺每年例係地方官用商三民七之力於臘正月間挑濬有名無實臣因係運鹽河道於止

年九月內卽嚴檄專委妥員豫先辦理臨期實力奉行又在江寧會將緣由情弊面言之於督臣趙弘恩嚴加會飭臣到清江後又節次差河員前往查催今年漕船進口銜尾通行一上年河南陳留大堤漫口之後黃河沙墊底高江南徐屬黃河緊接河東之虞城單縣下游甚有關係臣於三月初六日自清江起身前往徐州細看情形詳加籌畫一路卽便察看黃河南北兩岸險要工程查盤料物務使伏秋有備并閱看徐州宿遷左右兩營兵丁往還約得半月有餘俟大學

士臣嵇曾筠於三月內到工臣協衷妥商敬謹辦理

以上七條臣近日所辦河務情形節畧據實敬陳

睿鑒叩懇

聖訓指示謹

奏

覽奏所辦河務大概情形知道了勉之毋怠

雍正十二年三月十八日署理江南河道總督印務管理兩淮鹽政兼署江寧織造龍江關稅務布政使臣高斌謹

奏爲恭報桃汛平穩情形事竊照今春桃汛水勢情形臣查黃河自徐州以至海口陸續共長水三尺八寸至五尺三寸不等比上年桃汛水勢尺寸稍爲加長大溜循軌順流東注海口深通兩岸堤埽工程俱各修防平穩運河一切閘壩涵洞啓閉蓄洩悉協機宜中河水勢裕如糧船遄行無阻臣多派員弁挨幫照料催儻挽出清口將次過完洪澤湖水充裕由清口暢流敵黃高堰等處工程寧謐所有今春黃運河湖桃汛水勢各工平穩情形理合繕摺奏

聞再臣於本月十七日由徐州碭山勘工回至宿遷縣皂河現在與運河相近之黃河夏家馬路親看進埽簽椿以固險工併開放駱馬湖王家溝口門以便江廣之最重糧船濟運有餘至臣自徐州所看黃河南北兩岸險要工程一應修守機宜不敢瀆陳統俟大學士臣嵇曾筠卽次到工臣虛衷妥商敬謹辦理合併

奏明伏祈

皇上睿鑒謹

奏

黃運湖河水勢平穩情形以手加額覽之

雍正十二年六月二十八日總理鹽政兩江總督

臣趙弘恩管理兩淮鹽政布政使臣高斌謹

奏為清查規費酌給養廉以清吏治以除積弊事竊
照兩淮鹽政所屬各員向因未定養廉分司以下
費用資之商竈難免瞻顧因循不能整頓臣高斌
於請

簡幹員等事案內會

題請徹底清查規費斟酌應存應革賞給養廉奉准
部覆行令臣等將場商規禮徹底清查細加斟酌

應存者按季提解運庫酌定每年養廉數目請

旨賞給其不應存者出示曉諭嚴行禁革等因行文欽

遵在案臣等公同運使尹會一悉心詳議逐款徹

底清釐將兩淮三分司屬各場所所有規費等項全

數清出每年共銀五萬二千六百一十餘兩內不

應存之各項規費共銀一萬八百餘兩經臣等即

行出示曉諭嚴行禁革外所有應存之折價耗羨

商規引費等項通共銀四萬一千八百一十餘兩

應請自癸丑綱起俱按季提解運庫酌量分司以

下各員所辦事務之繁簡分給養廉共計三千九

師載於平餘項下每月支送濟用臣伏查河臣養廉每年例收鹽規銀二千兩支用河庫平餘銀六千兩共養廉銀八千兩今大學士嵇曾筠仍在工辦事所需養廉應否於鹽規河庫平餘項下量給銀五千兩理合恭請

皇上特頒恩旨賞給餘銀仍應存貯河庫統於歲底
奏明歸公臣已有鹽政衙門養廉毋庸動支河庫銀
兩合併

奏明爲此繕摺請

旨伏乞

睿鑒謹

奏

大學士嵇曾筠既在工所經理一切其日用薪水之費仍照數全給新授副河臣白鍾山每年養廉若干亦應酌妥具奏

雍正十二年八月初二日管理兩淮鹽政臣高斌

謹

奏爲欽奉

上諭事竊臣奉到

諭旨著將江蘇布政使白鍾山授爲南河副總河專司

河務此時正屆伏汛秋汛之期著高斌與白鍾山敬
謹交代清楚毋得疎忽欽此欽遵臣伏查今年秋汛
各工俱甚平穩臣現在往來各工察看加謹保護
凜遵

聖訓萬不敢因交代在卽稍有絲毫疎忽自當倍加敬
謹仰副我

皇上格外委任

殊恩副總河白鍾山大約在中秋前卽可到淮臣將一
應事宜遵

旨敬謹交代清楚後臣隨卽前往儀徵欽遵

聖訓加緊悉心催辦鹽務恭候

聖主指示臣當卽奔走趨赴奮效駑駘所有臣感

恩奮勉下情理合具摺奏

聞伏乞

皇上睿鑒謹

奏

覽奏已悉近聞江南鹽政甚不妥協汝與督臣趙弘恩
悉心竭力整理就緒可也

雍正十二年九月十五日管理兩淮鹽政布政使

奉臣高斌謹

奏爲欽奉

上諭據實陳明事七月十五日內閣欽奉
上諭一道遵

旨轉寄到臣臣虔謹跪讀敬繹

聖訓仰見我

皇上屢念兩淮鹽政之至意臣伏查兩淮鹽商深沐

皇上加意培養

天恩辦納錢糧急公踴躍歲上正雜課銀二百八十餘
萬兩之多數年以來俱照限清完竝無尾欠亦竝
不須多方催比此皆我

皇上愛育淮商沛

恩深厚之所致但商人雖易於納課而實艱於運鹽臣

細查商情其中雖有姦良貧富之不齊大概貪圖
緩運則口岸鹽少而價昂銷售獲利若趕運急迫
則口岸鹽壅時價跌落未免成本有虧轉輸不繼
此商人利在遲緩之實情卽歷年鹽政壓綱之病
原也臣到任後察知積弊根由竭力整理首先以
趕鹽爲務凡所以加緊催趕之術實未嘗私毫假
借協同運使大破積習實力奉行誠心開導衆商
分別勸懲以期力挽壓綱之積弊上年臘月督臣

趙弘恩到任臣正在江寧遂以此意當面告知期於同心協力共收實效今年夏間督臣檄行運司先將庚辛壬三綱尾欠掃數全完以清積壓現據各商自限九月內即可清完查三綱尾欠易完之故實因臣任內趕運淮南綱鹽原無遲誤積壓較前漸少尾欠無多至淮北綱鹽則自上年九月壬子綱已經年額年清為數十年未有之成效而本年淮北應運癸丑綱鹽現又據淮揚道夏建德稟報九月內仍可全數運完矣至溯查奏銷之限向例題定原在六月自康熙四十九年鹽臣李煦題

請改至十月已遲誤四箇月至康熙六十一年鹽臣魏廷珍因二月到任將六十年辛丑綱之鹽應於六十一年十月奏銷者至雍正元年正月始行奏銷遂至遲壓七箇月嗣後輾轉愈遲至戊申一綱遂至全壓遲誤之由實始於此雍正七年鹽臣噶爾泰奏請提出戊申一綱分作十年帶完將己酉綱提上其應納錢糧卽於本年十月開徵遂於己酉年九月奏銷令於雍正十年戶部議覆奉旨准行內開暫以九月奏銷將來各項已清之後每綱提上一月歸於六月奏銷等因行文欽遵在案今

奏銷之期雖尚壓三月而從前積引現在已經次第清完俟帶行戊申一綱清楚即可遵照部行奉旨事理每綱提至一月三綱之內即可仍復六月奏銷之原限是奉行已有章程而從前之壓綱積弊可清不致再有貽誤之慮矣緣奉旨帶宗謀與聖諭諄詳臣謹將先今實在情由并現今辦理之處據

實陳

奏伏祈

皇上睿鑒謹奏
同日又
奏西苑至十月五日致題四前以至東照六十一平鹽

壓綱之弊務須剷除淨盡毋少留根莖致滋蔓延

同日又

奏為密陳鹽政之要務恭懇

聖恩事竊查鹽法之行總以緝私為首務私靖則官引自銷轉輸便利裕課恤商皆本於此淮南江廣口岸寬廣如果私鹽杜絕何慮積引難銷臣看地方督撫大吏非不遵奉辦理但以不關切己之務大槩有名無實是以今年江廣口岸鹽壅價減急難銷售皆由隣私充斥實鹽法受病之根原也臣查兩淮行鹽地方江西河南有浙私蘆私之侵越而

湖廣之川私粵私爲害更甚現今雖於各處私鹽
隘口設立巡官巡役頗爲周密但地方文武官弁
不肯實力奉行一任兵役人等避難趨易罔利營
私以致立法雖嚴而隣私充斥滋甚臣再四思維
在督臣亦不過責成自己所屬地方至咨會隣省
卽未必有呼輒應臣不揣冒昧仰懇

皇上天恩申

諭湖廣等省督撫俱以緝私爲要務俾文武官弁同心
協力遠近愚民家諭戶曉使川粵浙蘆之私鹽各
畫疆界不致侵越則積壓之引自得易運易銷口

岸無壅滯之虞於鹽法大有裨益兩淮商人感戴
歡欣與加斤活價之效

天恩同沐酌減意誠對必酌減知形酌減乘公酌減爲志
高厚於生生世世矣臣謹具密

奏伏祈慈旨謝恭之鄰君而無食鹽之責知今酌減
皇上聖鑒謹言如滋縣亦知以酌減縣酌藉以又機聖一
聖奏職辭出不入古等查未報之言外查體力聖衷
所奏是候另旨諭部然亦不可專諉之於此也

土商同日又官辦同辦鹽數對一官辦同辦焉又
奏爲密

奏事竊臣伏讀

上諭鹽政天官職司催鹽運使一官職司催課又

諭旨朕之所聞如此欽此臣敬繹

聖諭知係臣下入告者查考未確之言伏查鹽政運使

之體制有似巡撫布政凡催鹽催課以及辦理一

應事務有協恭之職任而無分理之責成今兩淮

鹽務歷年課銀俱係年額年清惟運鹽則商人希

圖長價故意延挨必須鹽政運使秉公實力設法

催攢始克有濟若運使視催鹽一事非其責任勢

必將運鹽之難獨諉之鹽政不特無臂指之益轉

多掣肘之虞此正向來之積弊相沿日久遂至有

鹽政催鹽運使催課之議論實係起於姦商惑聽

簡發之浮言竝非設官定制之本意也臣因運使范廷

奏謀徇情遲誤隨據實參奏蒙

皇上天恩賞給尹會一為運使今臣現在責成尹會一

應知都轉運使之官不可不顧名思義加緊協力

催鹽不容其稍有諉卸今欽奉

上諭雖尹會一萬不敢因此有所推諉但臣現與尹會

望鑿鑿互相砥礪協力催鹽竝未分任辦理之處不敢

奏不據實密

奏伏祈 實密

聖鑒謹 且朕恐爾等不盡其職致令國帑不支
土奏擬 會一萬不煩因此有也計茲因臣與臣會
理宜協恭豈容岐視覽奏知道 謹奉

雍正 十三年二月初二日署理江南河道總督印
皇上 務管理兩淮鹽政布政使臣高斌謹 奏
奏為 據實查參恭請 實密

簡發 人員以資委署事竊查兩淮鹽課每年起解京餉
例帶 補平銀兩以備添補餘剩原銀繳還運庫此
歷來 舊例也且惟恐解員或有侵剋情弊每於起

奏解 之時諄諄面諭囑其潔己奉公據實呈繳不得
私毫 欺隱至為嚴切乃有東臺場大使劉帝舉等
奏指 員於上年七月內領解餉銀一百十六萬七千
餘兩 當給補平銀一萬五千餘兩赴部交兌去後
聖恩 垂隨密加查訪詎該員等在部止添過補平銀九
千餘 兩尚餘剩銀六千餘兩膽敢欺公不法朋比
冒革 侵分盡密飭運使尹會一嚴加查究該員等始吐
實情 僉供朋剋侵用不諱當即飛飭搜追現據吐
出銀 四千六百餘兩仍有未吐銀一千四百餘兩
現在 勒追繳庫似此等私慾薰心膽玩不法之劣

員斷難姑容自應一例嚴叅究處以為解員侵欺

者戒除據詳會同督臣撫臣恭疏一千四百箱兩

應嚴加叅劾以警將來題叅請命地即對用不難當噴無道與與熟也

旨革職嚴審究擬外查各場鹽缺緊要需人現在所有

試用人員不敷委署仰懇兩朝效煇公不吝賜以

聖恩敕部檢發候選人員十五員交臣委署試用理合

繕摺當餘蘇平遊一萬五千箱兩世清交貨七千

奏請伏祈上平上良內酌撥補給一百十六萬二千

睿鑒施行謹製至為懇切以自東臺恩大封國帝舉

奏報之報籍籍而備觀其緒与奉公熱實呈遞不特

所請人員候諭部檢選發往

雍正十三年四月十八日署理江南河道總督印

務管理兩淮鹽政布政使臣高斌謹

奏為

奏明口岸疏通場鹽豐裕仰慰

聖懷事竊查江廣口岸前因鄰私侵越淮引壅滯荷蒙

皇上天恩

特諭各該督撫實力緝私以疏官引今據淮南商人稟

入稱口岸疏通積引行銷引窩價長大有起色目今

趨運甲綱等情臣查口岸既經疏通引鹽自易銷

售實賴

天語之

特頒致茲緝私之成效今癸丑綱掣運將完甲寅綱現
在源源捆運從此隨運隨銷使課源充裕商力舒
徐悉出

聖主之

恩賜臣當斟酌於遲速緩急之機宜隨時調劑悉心辦
理再自春月以來天時和暢場竈廣產鹽斤價亦
較前平減商人俱上緊收買濟運所有江廣口岸
疏通及場竈產鹽豐裕緣由謹繕摺奏

聞仰慰

聖懷謹

奏

龜勉勿怠自有成效

雍正十三年五月初十日管理兩淮鹽政布政使

高斌謹

奏為酌議移駐道員以裨鹽務海疆仰請

聖訓遵行事竊照三江營分巡鹽務道一缺其初原因
三江口為私鹽經由要路將江寧府同知移駐彈
壓繼因該同知有地方公事往來省城不能專司

緝務隨添設三江同知一員前督臣高其倬又以揚州淮安通州泰州一帶沿海及內河外江均有私鹽要隘必得統歸一員督緝而同知又難統馭府州因而請將三江同知會弘緒加分巡道銜兼管督緝揚州府屬之江儀高寶興泰淮安府屬之鹽城及通州如臯泰興等州縣私鹽案件并通泰淮三分司所屬各場火伏事宜亦令該道巡查又山陽縣新分之臯寧縣緝私事務續經前署督臣尹繼善奏請併歸該道管理俱奉部覆准奉旨依議欽遵在案伏查三江口雖係私鹽要隘只須設

專員嚴督兵役查緝原可不必監司大員駐劄前此所以議改道員者專為查督淮揚通泰等府州所屬緝私及各場火伏起見今三江營在大江之濱偏處一隅地非扼要又淮北引鹽經由之場關大伊關永豐壩烏沙河南河口泗州天長關淮所悉屬要隘雖經委員管理但係淮揚道督率查淮揚道係專司河務之員斷難分身親往稽查徒存虛名鮮有實濟亦須改歸鹽務道往來查察方為有益並細查形勢泰州北門外之泰壩地方為淮南百萬引鹽彙集之所必由之路即淮南各場

夾帶私鹽亦必由此透漏稽查抽秤悉關緊要實
係咽喉重地應請將三江營鹽務道移駐泰州洵
稱扼要至三江營應照青山頭之例添設守備一
員增兵八十名足資巡緝該守備應歸揚州營遊
擊就近管轄其三江營原設緝私巡役仍令該道
稽查催督如此一為轉移所裨實多其設立衙署
竝俸餉養廉等項均於清出各項巡費裁存陋規
內支用毋庸請動別款臣與督臣趙弘恩細加面
商意見相同應否會疏具
題移駐謹先繕摺

奏請伏祈

皇上睿鑒謹

奏

題請到日酌定有旨

雍正十三年六月二十四日管理兩淮鹽政布政

使臣高斌謹

奏為請

旨事竊查兩淮各場竈戶欽荷

皇仁雍正五年特奉

恩旨於近竈之地建設鹽義倉積貯米穀以備貧竈緩

硃批諭旨

畫

高斌

急之需經前鹽臣噶爾泰於泰州通州如臯海州
鹽城板浦等處建倉六座交商採買米穀貯備在
案伏查此項儲蓄重在惠濟竈丁必須酌量各場
道里遠近建倉分貯使緩急易於接濟不致有跋
涉往返之勞庶貧竈咸得就近買食常沾惠澤今
查泰分司所轄十場止有泰州倉廩一座通分司
所轄十場止有通州如臯倉廩兩座各場地方遼
濶其間有去倉寫遠非數日不能往返者所以青
黃不接之時竈丁未能沾平糶之惠一遇緩急動
用則必酌撥運送既費腳價更需時日至淮分司

所轄八場雖有海州板浦鹽城三倉但海州板浦
俱在淮北隔越黃河而淮南之廟灣新興伍祐劉
莊白駒等五場止有鹽城黃倉距廟灣劉莊亦屬
路遠往返維艱似宜仰體

聖心再爲斟酌分貯臣細加體查有泰分司駐劄之東
臺場係泰屬十場適中之地又通分司駐劄之石
港場係通屬十場適中之地地方高燥人烟稠密
均可建倉分貯其廟灣場卽在新分之臯寧縣城
外查城內亦可建倉分貯臣愚見請於東臺石港
兩處各建倉一座每座分貯穀十萬石臯寧縣城

內建倉一座分貯穀五千石如此則濱海各倉在
在可以就近接濟緩急有資而無遠運跋涉之虞
矣其分貯穀石查有通泰等倉從前賑糶案內動
用米穀現在陸續買補卽於此內酌撥分貯統俟
撥定之日造冊報部所需建倉工料銀兩請於裁
存巡費陋規項下動支應用至各倉米穀向令商
人管理但商人住居揚州離倉遙遠未免鞭長莫
及所有新分三倉每年青黃不接之時應令各該
分司就近督率場員監糶其餘各倉臨時委員稽
查將糶價解貯運庫俟秋成詳報鹽臣遴委妥確

之員協同商人買補還倉倘春月米價不貴毋庸
平糶再倉貯攸關綦重查通泰等倉及揚州鹽義
倉俱交商人管理令鹽臣稽查凡鹽臣離任之際
似應照常平等倉督撫交代之例將冊移交新任
鹽臣接管查核具奏仍於每年歲底開造四柱清
冊送部所有揚州四倉運使近在同城應令運使
查明造冊其通泰等倉查鹽務道現請移駐泰州
應令鹽務道查察造冊俱由鹽臣核明送部查核
此臣愚昧之見是否有當伏祈

皇上睿鑒訓示遵行謹

硃批諭旨

宅

高斌

奏

建倉分貯乃極善之舉但錢糧倉庫必賴官兵守護方免疎虞況儲穀萬石爲數不少若止因免竈而跋涉起見雖便於一時恐不宜於久遠然朕未親履其地不悉情形不過據奏批諭耳當與督撫臣詳加計議斟酌辦理可也

查外具奏以每季查辦四共
會同交商人員照令鹽臣查凡鹽臣辦之
平鹽再會領外關禁重查而奏善會又對出鹽
之員同商人買辦數倉論春凡米對不貴毋庸

硃批趙國麟奏摺

雍正六年十二月十八日福建布政使臣趙國麟

謹

奏恭請

皇上聖安

朕安

數千里外遣人齎奏身膺承宣之責地方上豈無應行奏聞事件而但呈進保薦人員一摺是何意見殊有大負任用光景諒將乾清宮面諭之旨盡遺忘矣否則彼時祇承遵奉之語皆係勉強僞從至今不能掩藏而真

硃批諭旨

趙國麟

態畢露也似此初志不堅隨境改移豈朕期望於汝之
意思之慎之

雍正七年四月初二日福建布政使臣趙國麟謹
奏為奏

聞事竊臣一介寒微蒙

皇上不次超擢畀以閩藩重任雖竭盡駑駘無能仰報
隆恩於萬一臣自上年正月內跪聆

聖訓後卽束裝就道於五月十六日抵閩任事敬將

乾清宮面承

諭旨備細傳與督臣高其倬訖臣到任十日前撫臣朱

綱隨亦來閩臣智短才疎初肩藩任惟懼隕越凡
事與督撫二臣悉心商酌方敢舉行數月之後於
地方事務始畧知條理藩庫錢糧原無虧空所有
雍正四年春秋二撥存剩銀內除准銷外尚有三
十七萬餘兩先因兵餉那用不能年歸年款臣到
任後節次歸補七十六萬三千七百兩有奇茲蒙
欽差部堂臣史貽直盤查已將歸補現在之銀於本年
三月初三日委員解部其未補者容續補完日另
行報解各屬倉穀仰蒙

皇上差前廣撫臣楊文乾等盤查清楚其未買補者業

皇上經委員分頭採買已據報買八九分即可補足臣當不時稽查務使實貯在倉不令虛懸顆粒查州縣錢糧加耗從前輕重不等有加者至加一六七九差者並稟請撫臣嚴行禁革概以加一徵收不許仍前重耗以舒民力上年仰蒙皇上截發江浙漕米共十萬石運閩接濟民食目下已經運到現在分發各屬平糶米價漸平民無艱食之虞戶有鼓腹之慶實由聖恩優渥之所致也臣賦性愚昧才力短淺惟有竭盡愚誠實心供職不敢怠惰偷安苟且塞責辜負皇

皇恩自取罪戾伏望

聖慈俯鑒臣愚

教誨指示俾臣得有遵循免致隕越頂戴

皇上生成大德於無既矣爲此具摺奏

聞伏祈

睿鑒謹

奏

盡力屏除科甲朋比因循委靡袒護沽譽諸陋習朕所教誨指示者只此一語而已實能遵循免致隕越與否在汝自爲之也

同日又

奏爲敬陳一得之愚宣德化以整民俗事竊查閩省民風土俗喬野强悍不安本分不明倫理稍有拂意不顧尊卑長幼至親骨肉卽構怨興訟捏小爲大翻舊爲新經年累月不肯休息生監好爲包訟婦女亦能寫呈且有以家無官司爲懦弱可恥者好訟之風一至於此臣每吊查各案文卷從前地方官審理之事多有不清其根苟且完結又或一時視爲小事後遂釀成大家民俗健訟而又加以聽訟者之怠惰草率此訟風之所以愈熾也臣莅

任數月後審知閩省積弊如此不自量其才德欲變易此惡俗督率屬下廣布

聖諭實心教化先動其禮義廉恥之心冀其息事寧家至於來告者事無大小無不收閱隨准隨理勸諭開導除兇暴抑豪強懲刁誣歷年不結之案清其

根底日有斷結衿士有犯者大者詳斥小者令其但不袒庇紳衿如李光地之親族人等胡令不行曷俗持犯過由牌朔望跪聽不整若稍存私誼檢擇取捨則輿情仍未必輸服也聖諭以生其愧悔之心或量其罪之大小罰修闢壩橋

梁以及先賢祠宇雖未能盡息訟端而刁詐之風近來亦覺少減而下屬之勤惰才具之短長聽訟

之公私因此亦得其槩如上杭縣知縣趙孔超之
貪婪德化縣知縣繆燦之縱役皆審出實情即行
揭叅此臣半年以來於收放糧餉料理錢穀一切
當以身先之洗滌科甲陋習
事務之餘不敢偷安憚勞維日孜孜期挽頽風以
仰副我

皇上勤求治理之至意用愚字處過多矣朕豈有肯昇
愚人以藩司之職令旬宣全省之理
裨益為此繕摺奏

聞謹

奏

姑試行看朕自有見聞

同日又

奏為端風俗以廣

皇仁事竊查雍正六年三月初三日羅源縣孝子李盛
山割肝救母一案欽奉

上諭講明節孝常經覺牖庸愚至詳至切乃閩俗輕生
之習猶未盡除婦人多以節烈相尚往往搭臺示
眾慷慨投繯沽一時之名背中庸之理刳股行孝
尚為

聖世所不許況捐軀邀譽者乎臣到閩後訪知此風甚
盛亟欲禁革適有民婦楊氏殉節一事控告到臣

殊批諭旨

五

趙國麟

查楊氏係閩縣方廷蔭之妻甫婚兩日其夫廷蔭因不得於繼母盧氏赴水而死盧氏有將楊氏改配親子方廷賡之意伊弟盧得運將贊成之楊氏堅執不從又不能挽回姑意兩次赴水被救得甦遂葬其前姑之柩搭臺自縊以殉焉其志實屬可嘉其跡猶循舊習臣訊得實情祭其墓以表揚節孝盧氏分尊姑免究問其子方廷賡暨弟盧得運皆分別枷責以爲傷風敗俗者之戒因通飭各屬嚴行示禁如有搭臺殉節者責成鄉地查報究懲復廣宣

諭旨務使僻壤荒村家喻戶曉俾愚民咸知孝子節婦之自有常道可行而保全生命之爲正理以仰副我

皇上矜全黎庶之至意理合繕摺奏

聞謹

奏

循理遏情固係正道順情違理自屬反經要在汝等揆酌適中而行之朕不便輕發一偏之諭

天恩同日又

聖奏爲欽遵

硃批諭旨

聖訓恭謝

天恩事雍正七年三月十五日臣齋摺家人捧回臣恭請

聖安奏摺奉有

皇上硃批諭旨臣跪讀之下惶悚戰慄悔罪無地竊臣質本庸愚荷蒙

聖恩擢至藩司於地方事務不知陳

奏溺職負

恩莫此爲大今蒙

皇上不卽罷斥復

誨諭諄諄宥臣既往之罪開臣自新之路雖天地生成大德父母撫育至情無以逾此臣惟有感激涕零痛改前愆勉圖後效以仰報

皇上天高地厚之恩於萬一耳臣不勝惶悚戰慄之至

謹繕摺

奏謝伏乞

睿鑒謹

聖奏

若非真知改悔實力遵行但以數句空言奏覆不能挽回朕意遂釋前疑而信後效也勉之

硃批諭旨

七

趙國麟

雍正八年九月初六日福建巡撫臣趙國麟謹

奏爲默誦

聖訓感激難名自陳愚衷恭謝

天恩事竊臣一介庸愚荷蒙

皇上天恩畀以封疆重任昨恭請

聖安跪聆

聖訓反覆開導廣大精微剴切詳明已無餘蘊更蒙

頒賜硃諭令臣默識臣恭閱默記銘心刻骨寤寐思服

臣以至愚極陋之質蒙

皇上望臣如此之大勉臣如此之切臣雖木石亦當感

發奮興自勉自勵敢不以難昧之本心自反之愚
衷敬陳於我

皇上之前乎夫天下萬事皆以一心爲本而人臣一心
又以無欺爲要然往往有自以爲無欺而不知已
墮於欺者有時時事事求其不欺而猶難自信爲
無欺者此不可不辨也蓋人臣之欺不欺不徒問
諸事而當問諸心且不徒問諸已之心而當先明

皇上之心何者

皇上之心我心之矩則也

皇上之心我心之主宰也不能以

硃批諭旨

八

趙國麟

皇上之心爲心則心無矩則而爲私心不能以
皇上之心爲心則心無主宰而爲放心私心放心皆欺
心也何謂

皇上之心臣竊以爲我
皇上以

天地之心爲心以

列祖

列聖之心爲心故能無一時一事不以社稷蒼生爲心且
時時事事恐有一夫不獲其所爲心此我

皇上之心也人臣一時一事不以社稷蒼生爲心不以

恐有一夫不獲爲心卽非我

皇上之心非我

皇上之心非私心卽放心矣天下斷無有以私心放心
處事而猶得云無欺者臣所以謂往往有自以爲
無欺而不知已墮於欺者此也然臣謂人臣卽能
時時事事以社稷蒼生爲心無一夫不獲爲心而
猶未得卽云無欺也何者我

皇上社稷蒼生之心無一夫不獲之心大中至正如鑑
空如衡平泛應曲當無意必無固我物來順應而
且溥博淵泉時出不窮此又我

皇上時時事事以社稷蒼生爲心恐有一夫不獲爲心
之大本大源也人臣察理有一毫之未精則大本
未窺猶屬私心去私有一毫之未盡則大源未得
猶屬放心雖事或偶中可告無罪而求諸寤寐衾
影之間欲其時時事事不踰乎距則主宰之中能
自信爲無欺而無愧者蓋亦難矣所謂有間之心
不足以合天心也此臣於雍正四年初見
聖時卽以求不欺三字進對而至今幽獨自考實有難
以快然自信者臣何敢自昧也夫
上有堯舜之聖君以臯夔望其臣爲臣者何其幸然

上有堯舜之聖君以臯夔勉其臣爲臣者又豈其易臣
何人斯何敢自謂能勉也然臣不敢不勉也臣惟
有主敬以持此心存誠以養此心窮理以明此心
克己以治此心操存於不睹不聞之先省察於臨
事接物之際以仰副我

皇上勉臣之至意耳所有感激微忱自反愚衷謹繕摺

奏

聞伏祈

睿鑒謹

奏

果能言行相符不務虛名但求實際則於本源庶幾不謬矣朕復爲汝何慮

同日又

奏爲奏

聞事竊臣蒙

皇上天恩賜臣摺匣四箇凡地方機宜事務臣自當詳

悉密

奏恭請

聖訓指示遵行其摺稿皆臣親撰不敢假手旁人惟繕寫奏摺臣因素不工小楷又年近六旬眼花手拙

字跡潦草疎縱恐涉不敬臣有幕友劉光煜係浙江山陰縣生員隨臣十年爲人誠實謹慎臣處以密室凡有奏摺令其代臣敬謹繕寫可無疎漏之虞謹具摺奏

聞伏祈

睿鑒施行謹

奏

有無疎漏之虞干係在汝何必奏聞於朕耶

雍正八年十一月十八日福建巡撫臣趙國麟謹

奏竊惟屬員賢否關係政治民生亟宜時加區別臣

殊批諭旨

十一

趙國麟

皇上天恩畀以封疆重寄自履任以來明察暗訪聽言觀行如各屬內有敗檢踰閑者臣當據實糾參斷不敢少存瞻顧倘才足辦事而偶有過誤須開導教訓使其悛改教而不改然後去之庶無負

皇上愛惜人才之至意今閩省廳縣各官臣尚未周知確切而司道府州已各得其大槩查布政使潘體豐辦事精勤才具亦長但心地不敢保其純淨恐內外不能如一操守未必能久而不變按察使李玉鉉精力尚健竭力留心案件以圖報效時有拘

執處然尚可以開導轉移糧儲道張廷枚前任興泉道時人頗明白但欠老練今已出差辦銅俟其回任再留心試看興泉道朱叔權急於見才非海疆重地所宜已勤加訓飭俟觀後效汀漳道章廷璿年力正強有志向上而才情操守亦好可以造就延建邵道莊令翼辦事盡心立身不苟其才具平穩人地猶屬相宜臺灣道劉藩長才長守定能勝海疆之任鹽驛道楊弘緒才情頗好辦理鹽驛事務亦能盡心可以策勵之員福州府知府蘇本潔省會劇郡才能勝任惜病尚未全愈興化府知

府張嗣昌謹飭有餘能約束屬員泉州府知府郭朝鼎才具老練實勝繁劇之任漳州府知府楊一正從前作縣才力頗能幹辦陞府後志意稍縱辦事不及從前臺灣府知府倪象愷才力有餘操守亦好閱其詳稟甚能留心地方事務稽察屬員建寧府知府姜朝俊謹飭誠實之員建郡尚稱易治可以稱職邵武府知府任煥前委辦鹽務甚好今已出差辦銅其辦理知府事務尚未見其所長汀州府知府王士任老成歷練竭力辦事福寧州知州張秉綸人甚明白能辦理地方事務以上各員

理合據實奏

聞伏乞

睿鑒謹

奏

覽奏俱悉仍當不時訪察加意體驗

雍正九年三月十九日福建巡撫臣趙國麟謹

奏竊照閩省田畝在山岡高阜者多全賴雨水霑足今細查各屬所報雨水正月內或得六七次或得八九次不等二月內或得八九次至十二三次不等三月內亦得過五六次俱非連朝狂雨亦竝無

不得雨之州縣甚覺調勻大麥漸次登場小麥俱已秀實可必豐收民情喜悅早稻現在布種通省米價亦甚平賤上游延建等府每石八錢以外都奏游漳泉等府每石九錢以外省城每石自九錢四分至一兩以外不等其臺灣府自上年九月至冬底雨澤稀少至正月初三日已得時雨露足米價每石八錢五六分惟糖價甚平白糖每百斤一兩每石八錢較上年減去一兩有餘烏糖每百斤五錢較上年減去七錢有餘臺地業糖者衆價值太低未免病民因去歲運蘇之糖堆積未消惟俟三四月

問北船回臺可以起價謹將雨水米價情形備細繕摺奏

聞伏乞

皇上睿鑒謹

奏

覽雨水米價情形知道了至云價低病民等語朕謂不足爲病也惟願物物如是何也未也其害微也

同日又

奏竊照福建通省九府人情習俗惟漳泉二府地居邊海人多囂悍俗尚鬪爭而臺灣遠隔重洋民番

雜處尤多頑劣易起謠言臣自到任後卽發示勸
民勉力遷善并嚴飭地方官加意稽查但人心風
俗習染已深一時難以猝變如水師提標兵丁李
才與顏漢因爭戲童角口遂成不解之仇上年三
月間李才與龜巖等三十餘人每人出銀一錢結
秦媽姐會經泉同知訪拏柳責遞回原籍安插迨九
月間又傳有李才等欲打造軍器搶掠出洋之語
復經與泉道拏究審係李才前次被訪歸怨於顏
漢所害欲糾衆謀殺顏漢以圖洩忿謀搶無據報
仇是實已照律擬罪完結訖又上年十月二十三

日夜臺灣兵丁於城內巡獲匪人名周蘭清赤脚
蒙被語言顛倒袴帶繫有賬簿紙單門牌等物腿
上有布包內硃砂紙一條上書欽差對天新到六
字紙背書欽定二字種種怪異及至究訊乃係痴
癲之人竝無別故隨經遞回原籍江西會昌縣安
插收管在案又上年十二月十八日鳳山縣港東
里地方有鋸匠陳勳入山尋看木料被生番殺死
查係擅入番境以致被殺應俟拏獲兇犯究審定
擬并查取失察職名歸於命案完結又今年正月
間鳳山縣三叉河地方謠傳有鬍九倡言要搶新

園街市等語經臺灣南路營獲交鳳山縣究訊鬍
九因新造房屋宰猪請客竝無爲匪形跡節據該
地方文武稟報細經查察係因今年糖賤無人貨
買做糖工人口有怨言遂一時傳爲抄搶之謠全
無抄搶實據但鬍九本非善類留臺恐致搖惑人
心應驅逐解交原籍安插已經臣批行發落結案
以上四事多因頑劣之民不忍小忿又或因形跡
可疑一時好事者造爲訛言乍聞殊覺駭聽詳察
却無實據臣與督臣劉世明嚴飭該有司細心查
究已各得其本情次第完結理合具摺奏

聞伏乞 皇上睿鑒謹
奏

但不遺漏細微逐見隨聞悉與處斷姦匪之徒具有耳
目知汝等大吏如此留心稽查地方自當改行斂迹化
有事爲無事矣何至釀成大案慎勿因其小而忽之

奏同日又

奏竊查臺灣文武官員向無攜眷過臺之例汀州府
知府王士任調往臺灣府伊隨任止有一妾正在
新產之後內地無可寄頓將隱情面稟懇准攜帶

臣以事屬違例未便許允去後嗣據管廈門汛口
泉防同知報稱查驗過臺船內王士任帶有家眷
臣卽就商督臣劉世明回稱此係臣子私情當爲
奏明今問督臣劉世明云已經具摺奏
聞伏候
聖裁爲此謹

奏

曾經有旨批諭督臣劉世明矣

皇上同日又

奏爲議奏事竊照福建按察使李玉鉉條奏閩省倉

穀應改歸糧儲道管理

硃批此事應言之督撫會商酌定具題請旨將所奏并

朕批諭與督撫二臣看欽此隨據該司鈔錄奏摺

批諭與臣等觀看據李玉鉉奏稱閩省捐積常平等倉

各穀通計共一百三十餘萬石總匯於藩司藩司

職掌全省賦役精力終難專一查閩省糧儲道管

理通省兵糧十二萬八千六百餘石事務甚簡可

否仰請

聖裁將閩省各府州縣捐積常平等倉所貯穀石照雲
南之例著糧儲道管理凡一應盤查交代冊報考

成悉令糧儲道專司其事該道猶可不時親詣各
府縣抽盤查核每年
奏銷冊籍仍照兵糧之例造送藩司彙轉等語臣查
閩省監積等穀自雍正五年間
欽差盤查以後徹底澄清現今廳縣倉穀責成府州察
盤府州倉穀責成本管道員察盤每年各親往所
屬盤查一次如有虧缺霉變立即揭報如實貯好
穀出結申送藩司核轉是藩司職掌雖煩而倉穀
頭緒既清又各有責成專管藩司攬總稽核尚屬
易事可以併兼理至糧儲道只管通省兵糧事

務雖簡但地方遼濶各府州倉穀必不能遍歷盤
查勢必仍委本管道員而糧儲道不能統轄各道
恐多呼應不靈若事事詳請督撫轉飭又未免遲
緩況每年察盤

奏銷冊籍仍須照兵糧之例送藩司彙轉與各道府
徑送藩司核轉無異臣與督臣劉世明細加商酌
與其紛更而無益於倉儲不如照舊歸藩司統攝
爲便臣仍不時稽察如有扶同徇隱之弊據實糾
叅是否有當謹繕摺具

奏伏乞

殊批諭旨

六

趙國麟

聖主睿裁謹

奏

所議是照舊仍歸藩司統攝可也

雍正九年四月二十九日福建巡撫臣趙國麟謹

奏爲敬陳管見仰祈

睿鑒事竊臣查各省兵餉其離省寫遠之營汛俱有就近州縣撥給之例如臣前任直隸河南皆是如此今閩省各提鎮標協兵餉無論遠近俱赴藩庫支領就中惟汀州一府所當獨爲變通查汀郡距省一千一百餘里山高道遠脚費煩重解餉領餉多

由水路其所經清流縣之九灘高低數丈水勢懸奔又轉折於峭石之間爲閩中第一險灘凡餉銀

在船銀鞘之上必用長繩繫板備作浮標以防不虞兵役起遵山徑過此登舟一解一領殊覺萬難

查汀州八縣歲解司庫地丁正雜銀十二萬三

千有奇汀州鎮三營歲需餉乾銀五萬五千有奇

若扣存本府之歲供以給本鎮之兵餉事屬兩便

每年由藩司查明該鎮應領餉數勻派各縣徑解

汀府貯庫聽三營赴府支領同知監放其三營餉

領與各縣解府銀批預期申送院司衙門查核掛

發仍將該年各縣派解府庫數目咨部存案至撥
過餘剩地亦仍解司庫每年同收盤效其三營餉
奏銷藩司仍照舊例造報轉轉移間既省各縣數次
解餉之煩而汀鎮領餉事宜亦覺便易事愚昧所
見是否可行理合繕摺具請 聖鑒 謹奏
皇上批示遵行謹 奏

朕所罕聞此事大有關係當與督臣劉世明詳加斟酌
非可一時示德沽譽草率舉行之務也

雍正九年八月二十二日福建巡撫臣趙國麟謹
奏雍正九年七月初九日臣齎摺家人回閩恭捧臣
奏請汀州鎮兵餉改就汀郡地丁支放一摺至署
奉有

硃批諭旨臣跪讀之下仰見

睿慮周詳

聖謨宏遠海疆重鎮餉權歸下關係誠為甚大蒙

皇上一言指示臣恍然自悟覺所見之小止計一時之

硃批諭旨

三

趙國麟

便而非永久無弊之規誠有不可行者前奏甚屬
草率謹遵

旨與督臣劉世明詳加斟酌劉世明云汀州在閩肘外
恐一時錢糧徵輸不及再為請領支撥往返需時
未免生出事端等語是汀餉仍應照舊赴藩庫支
領成規久定兵習吏安無事更張但當嚴飭小心
管解毋致疎虞無庸改為就近撥給理合繕摺覆

奏伏乞

皇上睿鑒謹

奏

封疆大臣一舉一動當詳慎是務據云被朕指示方恍
然自悟設或朕亦草率允行則將如之何諸事成似此
任意更張其不至朕前案件錯謬者不知凡幾矣實代
汝慮之當自知才具不及虛心訪問廣諮博採猶可勤
以補拙倘稍恃己見恐同寅及屬員中未必有本諸天
良提撕儆覺令汝恍然自悟之人也一切處小心謹慎
為之將此諭轉傳督臣兩司暨阿爾賽皆令知悉

雍正九年十一月初四日福建巡撫臣趙國麟謹

奏竊臣蒙

皇上天恩畀以封疆大任抵任一載夙夜兢兢思圖報

殊批諭旨

三

趙國麟

皇稱但臣才智短淺耳目未廣辦理政務雖竭盡駑
從來必廣大私即褊淺果能竭盡公誠未有局於近小之理若如所
駘終覺局於近小十月十二日新臬司劉藩長到
云則雖愚必明雖柔必強之論謬耶然公私二字之辨多端難以悉喻在
任敬傳

人即所秉之良知良能自省自問耳夫古今人有才無德者有之但所謂才者
諭旨以遠大訓臣臣恭聆之下感懼交集顧以臣之奉
不過小知小見而已斷未有德而無才者魯論所載有德者必有言有言者不
職多愆不加譴責得邀

必有德即係確據若後世司馬光所云德勝於才之論究非大德真德也總之
睿照鑒臣之短進而教之恕其所不逮勉其所未至
人欲勉進於才先須勉德欲勉進於德又須審察所居之地而用力焉如身
天語提撕

居大之臣列惟宜一秉公誠置功名利害於度外方始
聖言諄切臣即至愚聞
能之有體斯有用而才亦必隨之而濟矣何患乎才智
訓知省才智雖短不敢不竭力奮勉虛心諮詢集思廣
短淺而不擴充也勉之勉之
益以仰副

造就鴻恩伏念臣二
朕之知卿何能甚於卿之自知卿將向日所知人臣用
聖明之知甚於臣之自知尚懇
心之誤處批諭數行於前未知能有補於卿之短淺否
皇上以誨人不倦之

聖心時廣東歸履
賜訓謨俾有遵循臣之萬幸矣謹將奉到
訓旨緣由繕摺

奏謝伏乞
皇上睿鑒謹
奏

奏
覽

殊批諭旨
趙國麟

雍正十年正月二十六日福建巡撫臣趙國麟謹
奏雍正九年十二月十六日准廣東撫臣鄂彌達咨
稱海陽縣訪獲陳阿幼等結黨歃血拜盟一案審
訊余道老供出同黨黃五舍江歆黃烏皮三人係
福建詔安縣人均屬要犯嚴拏移解過粵究審等
因到臣臣查黃五舍卽黃必顯係從前奉

旨發出廣東觀風使臣焦祈年摺奏內查拏之犯現禁
福建省城臣卽差弁員押解廣東督撫衙門收審
望門外仍飛檄漳州府併詔安縣文武官弁會同密拏
該江歆黃烏皮二犯就近解粵續據詔安縣詳稱黃

烏皮卽黃純夫已病故四五年今止有黃加皮耕
田度活江歆又無其人查止有江蔭江興字音不
同而江蔭又久成癱瘓之疾等語除將黃加皮江
興飭司看守一面咨覆粵省訊取余道老等確供
是否卽此二人應否解質俟覆到定奪外理合奏

聞伏乞

皇上睿鑒謹

奏

凡遇此等案件絲毫毋得疎忽只圖易結草率辦理萬
萬不可務須竭心盡力徹底窮究方不致有疎漏誌之

殊批諭旨

三

趙國麟

雍正十年三月十七日福建巡撫臣趙國麟謹

奏竊查臣屬司道府各官賢否除前已

奏明不復重敘外所有出差回任及新到受事又加
察看得實者理合具摺奏

聞查按察使劉藩長操守清廉爽直不欺辦理案件亦
勤但刑名尚未熟諳多有過寬處臣現在與之講
究自能臻於中正糧儲道張廷枚自辦銅回任以
來察其辦事勤慎才有可觀而操守亦正與泉道
朱叔權近來服官漸已老成辦事亦能詳慎現在
辦銅俟回任再加試看福州府知府高元崑辦事

練達克副首都之任興化府知府蘇本潔原係才
能之員因其有病調任簡缺今已痊愈現在差委
辦銅泉州府知府孫魯老成練達但於泉郡最要
之缺稍有不勝今荷

皇上聖明仍調爲汀州原任業已人地相宜延平府知
府王輅到任未久居官頗好現在辦銅俟回任再
聞其觀後效邵武府知府任煥辦銅甫經回任觀其辦
事誠實克稱厥職爲此謹

奏同日又

知人則哲非易事也豈可自信所見言其必然須當隨

殊批諭旨

臣

趙國麟

時隨事訪察方不被屬員欺誑

奏同日又

奏爲奏

聞事雍正九年十二月二十四日臺灣北路營地方大甲西社番突集番衆殺傷兵役已將事發奔逃之淡防同知張弘章會疏題參在案適鎮臣呂瑞麟遊巡至彼聞變卽駐兵半線地方調度擒拏臣隨與督臣劉世明熟商飛檄臺灣文武各員相機勦撫茲據陸續報稱正月十七日率兵擒拏逆勢不支遁入大山恃險抗拒二

月初二日進山勦捕焚其寮穴積貯二月二十日

鎮臣呂瑞麟親自率兵巡哨兇番仍潛伏肆拒又

逼勒大甲東等社助伊爲逆等因如此小醜爲日

已久未得勦除盡淨者乃緣山勢險阻深林密箐

我師不能深入久留之故今呂瑞麟現集兵弁約

有四千分道圍困用計進取兼欲調用水沙連社

番爲內應此雖以番攻番之計但番心叵測稍不

得心應手恐反無益有損所以臣與督臣劉世明

商同檄止之矣臣因遠隔重洋聞信每在兼旬之

後行軍機宜隨時不同未便遙制掣肘已諄囑巡

臺三御史臣相機熟籌而行臣與督臣仍一面飛探確音會同參酌務出萬全所有現在情形合先具摺奏
聞謹
將此摺附於請安函內而函面標題奏摺二件亦可謂不達禮體不敬之至矣

同日又
奏竊查福州府倉有前任革職知府胡承謀霉變攙雜穀十二萬七千餘石經從前

欽差廣東撫臣楊文乾查參著落胡承謀名下易換好穀還倉迨後數年未據領換霉爛日甚若再不及早料理倉儲終無彌補之日臣到任後即將設法變糶等因具摺奏

聞奉有

硃批諭旨臣隨諮商同城文武各官并傳同胡承謀之子胡先揚公同試驗因此穀霉變已久碾米不足成數核算得霉米一石三斗方抵好米一石議定照此數折算發糶今已陸續糶賣并搭放兵米完訖其價銀現在貯庫俟今歲早晚二禾登場之候

委員領銀押同胡先揚到隣近豐收地方採買好穀還倉如買補不敷原霉穀石著落胡先揚并毛文銓各名下照數追賠除銀穀細數另咨戶部查核外理合先將變糶完竣緣由具摺奏

聞謹

奏

此事當速行料理者乃遲延至今料胡承謀父子業將所有宦資隱匿無踪矣而毛文銓又應賠之項甚多坐落於伊名下有何裨益耶

雍正十年四月十九日福建巡撫臣趙國麟謹

奏竊查閩省春間雨水調勻業經臣具摺奏

聞目下正值布種稻秧之時又連得透雨田水霑足可以及時布種民情甚為歡悅通省二麥現在豐熟漸次登場近據漳泉二府屬縣報稱二麥俱有十分收成民食大有接濟是以通省米價不致騰踴其收成分數容報齊另摺彙

奏至臣前豫籌青黃不接之計因通飭勸諭有餘穀之家暫為積貯留至夏間發糶今據各府陸續報到通共勸貯穀四十餘萬石將來隨時通融平糶可無欠缺之虞再四月初五日省城內外十餘里

之地雷雨之中帶有冰雹外郡龍溪福安二縣據報亦微有冰雹俱於田苗農事全無妨礙所有三月以來雨水麥收米價情形理合具摺奏

聞上慰

聖懷謹

奏

據奏閩省雨水霑足二麥豐熟米價甚平朕心深爲慰悅

雍正十年五月初二日福建巡撫臣趙國麟謹

奏竊查閩省採辦銅筋向買洋商現銅部價之外尚

須幫貼銀三千餘兩雍正八年上運銅筋委糧儲

道張廷枚承辦當發部價四萬一百九十三兩零

又給公費項下幫貼銀三千五百兩因是年蘇州

無現銅可買該道募商出洋採辦以致有誤起解

例限奉文議處旋卽辦齊解部交完掣批在案今

據張廷枚詳稱承辦八年上運銅筋共領價貼銀

四萬三千六百九十三兩零因銅筋不能按期交

納價值可以節省現在餘剩銀四千六百六十七

兩零據實詳報到臣查泉州府治城垣雍正七

年五月內蒙

皇上俞旨將董永艾婪贓家貲解往修理欽遵在案迄
今止准部咨坐扣銀三百六十八兩零不敷費用
再漳州府城垣該府張嗣昌現在竭力設法興修
但工程重大力量不繼又福清閩清二縣城垣亦
有殘缺之處經藩司確估詳請尚在無項可動仰
懇 聖 恩 未 文 嘉 慶 歲 次 閏 五 月 廿 五 日 奉 旨 欽 此

皇上天恩將此節省四千六百六十七兩零又張廷枚
九年米折盈餘一千三百十九兩零并李玉鋹八
年米折盈餘一千六百二十二兩零共七千五百八十
八兩零

俯准動支修理數處城垣之費容臣漸次料理報竣臣
因城垣爲濱海地方緊要公事現有節省銀兩若
不及早修理日久更覺費力是以冒昧奏請伏乞
皇上睿鑒謹

奏

所奏是應動支修理者

雍正十年五月二十五日福建巡撫臣趙國麟謹
奏爲恭報臺灣南北二路安定情形事竊照大甲西
番作反經臺灣鎮臣呂瑞麟同臺灣道倪象愷帶
領兵壯勦撫兼行已將脅從之樸仔籬等社先後

就撫續有鳳山縣南路姦民乘機聚眾殺傷官兵
經陞任陸路提臣王郡親率弁兵勦逐解散經臣
具

奏在案今南路姦匪陸續拏獲究審現在嚴緝首犯
吳福生等到日即可定案所被焚搶之居民亦現
在行查撫卹不致失所其大甲西番亦向鎮道具
呈投訴起釁之因乞憐全命向後不敢作反願爲
聖世良番等語當有土官率領全社男婦老幼四百十
九名造冊就撫現在一面安頓一面查訊實情究
出首兇定擬仍於各莊緊要之處安兵防護俟耕

種收成之後掣回外所有南北兩路安定情形相
應具

奏以慰

聖懷謹

奏

覽奏臺郡南北二路安定情形朕顧慮之念釋矣

同日又

奏竊照閩省仰沐

皇上福庇二麥豐收據各屬陸續報到收成分數泉漳
二府十分者居八八九分者居二福興二府福寧

一州十分者居六八九分者居四延建邵汀四府
廣種稻穀二麥稀少亦皆有七八分收成值此青
黃不接之時民食大有接濟上游春間雨水稍多
無礙自四月至今通省雨暘時若早禾茂盛可期
大有臺灣向不種麥四月間亦連得透雨禾苗俱
已布種各府米價照常理合繕摺奏

聞上慰

聖懷伏祈

睿鑒謹

奏

覽麥收分數并早禾雨水情形不禁額手爲閩民稱慶
也

雍正十年閏五月二十四日福建巡撫臣趙國麟
謹附奏

奏本年五月十二日臣准禮部咨議覆湖北撫臣王
士俊條奏各省鄉試外簾五所停委本省佐貳等
官卽將掣得內廉所餘之進士舉人留用并將各
省學習進士與調取隣省之進士舉人一體分掣
內外簾官等因臣查鄉試內簾考官關係綦重向
於聞調之日卽應迴避不見親友沿途遣官押送

以防弊竇今學習進士究與現任官不同焉保其平日無與本省士子認識往來之事臣准咨之日即將在臣衙門學習進士五名加謹關防并飭行布按二司一體收入內署慎密居住外但嗣後若永以爲例恐日久弊生在學習進士等自以爲將來必作考官而不肖士子亦知此輩爲必操衡文之柄豫先夤緣亦未可定科場爲取士

大典杜弊之法不可不嚴請

皇上特降諭旨嗣後各省學習進士止令其作外簾五所之用不必與外省調來之進士舉人同掣內外

簾官其外省應調之進士舉人仍照雍正五年奉上諭議定之數調取一轉移間於科場不無少補理合具摺

奏請伏乞

皇上睿鑒施行謹

奏

防閑學習進士所論固屬有理然今歲係創行之初何暇夤緣自各奉法惟謹況掣簽後始分內外似難預作弊竇場期在邇不便更張俟鄉試之後或於今冬明春具疏題請發該部確議再定

雍正十年七月二十九日福建巡撫臣趙國麟謹
奏竊閩省自春夏以來雨暘時若二麥之後早稻又
得豐收此皆仰荷我

皇上敬

天勤民精誠感格所致茲於六月間福寧州地方及福州
府屬之連江羅源二縣沿海田畝因濕熱薰蒸有
數處忽生小虫細如蟻虱或白或綠或在苗葉或
生根內早稻成熟無礙晚禾恐有損傷臣聞報飛
卽差員協同地方官竭力設法捕除一面虔誠建
醮祈禱幸賴

聖主福庇未幾卽得連朝風雨虫自消滅并爲雨水蕩
滌罄盡禾苗黃者復青萎者尚可補種且一邑之
中不過數處一處之內不過數坵竝無妨害上游
計雨水頗多溪流亦大但隨長隨消地方安堵米價
平減理合一并

奏明上慰

聖懷謹

奏

不爲災雨不致澇乃轉歉爲豐之徵也朕懷曷勝欣

慰

硃批諭旨

三

趙國麟

雍正十年九月十三日福建巡撫臣趙國麟謹

奏竊臣於八月初六日入闈監臨凡場中一應事宜
敬謹辦理其提調監試暨供事文武員弁皆實心
勤慎稽察謹嚴三場肅靜毫無弊端二十二日接
奉到禮部咨奉

旨曉諭考官所拔之文務令雅正清眞理法兼備雖尺
幅不拘一律而支蔓浮夸之言所當屏去特諭欽此

臣卽轉行內簾主考同考各官遵照俱各歡欣踴
躍愈加敬慎較閱精細選拔至九月初十日始克
竣事揭曉榜發之後多積學單寒之士衆論咸孚

此皆我

皇上道隆德盛人文化成實學昌明故士子皆能和其
聲以鳴

國家之盛閩省如此天下可知臣不勝踴躍懼忭之
至謹

奏

覽奏知道了

大凡務虛文者動輒落於浮夸不實之咎豈可以一省
而概論天下耶汝言過矣夫誠乃文章之本吏治卽文
章之體未有離本捨體而更有文章也此等虛偽習氣

皆緣薰陶漸染久不自覺又未經人勘破書生輩惟知尋章摘句而已本體何由而悟無怪乎天下真儒寥寥竟將文章一道幾類二氏之教像語言若似乎與誠相背與吏治爲無涉之物矣豈先聖往哲立言垂教之意哉非朕於一言數字之間過於苛細搜求益防微杜漸恐汝循此谿徑酬應事務流而不返終無實際故從而提撕儆覺俾一歸於誠而不涉於虛加勉吏治而不崇尚浮夸之意耳毋得錯會

雍正十一年六月初四日福建總督臣郝玉麟福建巡撫臣趙國麟謹

奏竊照閩省二麥豐收雨水霑足等已經奏稟悉聞在案自四月迄今通省雨暘時若早稻暢茂目下現在成熟較往年更覺豐稔據近省各屬報到有十分之數仰蒙

皇上福庇俾海疆屢慶豐年民情不勝懽欣感激其收成細數容俟全屬報齊另

奏外謹將早稻豐收大槩情形先繕摺奏

聞伏乞 五十二年三月十一日 皇上睿鑒謹

奏

覽奏早稻成熟海疆黎庶深有賴矣不禁以手加額望

閩欣慶

雍正十二年三月初一日福建總督臣郝玉麟巡

撫臣趙國麟謹以大槩詳沃恭摺

奏爲請

旨事泉州府海防同知胡宗文自雍正九年六月到任
以來辦事勤敏稽查海洋出入船隻實屬盡心又
能與提標五營將弁和衷共事因伊母年餘九旬
老病龍鍾不能迎養該同知思母情切上年秋間
具詳請休臣等以廈門海口要缺不易得此熟悉

事宜之幹員是以不允其請今接署提督將軍臣

阿爾賽札知該同知思念伊母情甚迫切若能到

家一看心可稍慰等語是該同知思母至情未嘗

少釋欲使專心辦事難以遏抑其情臣等查胡宗

文係江西金谿縣人距閩不遠若給假三箇月到

籍省視即便回任其泉州同知印務暫行委員代

理不用交盤於公事不至貽誤而該同知母子至

眷懇情得以稍慰感激

天恩愈圖黽勉供職矣但外官無告假省親之例理合

具摺奏

殊批諭旨

奏

趙國麟

聞洪恩出自

皇上非臣等所敢擅請伏乞官無告罪者歸之國駐合
睿鑒批示遵行謹

奏懇不用交繼欽公事不至誤贖而請同朕母子至

覽奏已悉候另有諭旨其泉此同朕明慈普濟委員升

同由又西金錄錄人強闖不敷苦餘財三箇民匪

奏為實陳冒荒積弊恭請以嚴其計並等查照宗

聖訓事竊照勸諭墾荒一案仰蒙同朕恩母至前未嘗

皇上天恩新墾者分別水旱寬其墾科之限隱匿者准

令自首立有免罪之條其請今對署對營款軍

浩蕩恩綸百姓感戴踴躍首報臣到閩後辦理過自首

竝勸墾田地六百一十頃零又臺灣田園一百七

十五甲零俱經

題報在案今查有建寧府屬之建陽一縣其錢糧缺

額緣由獨與各屬之欺隱在民者不同查該縣於

康熙元年十七年兩次報荒共免銀一萬一千六

百餘兩米一千三百七十餘石除實在荒田應免

外內有乘機捏報荒田冒免銀五千八十餘兩米

六百二十餘石乃當時官吏作弊多開冒免欺隱

全不在民至康熙二十五年知縣李六成恐致敗

露始將此冒免銀米二項勻入有田之戶每田二
十畝勻減銀二錢三分二釐米一升五合名曰勻
荒在當時以爲官吏脫侵帑之罪百姓沐減賦之
恩而不知正供有虧百姓實負冒免之愆迄今垂
五十年田更數主愚民罔識從前流弊竟視現今
減少之數爲向來一定之額矣今臣旣經查出欲
照現今自首之例令民首報實無原荒可首之田
惟有速令將現在田畝照從前勻減之數每畝加
增使復原額庶百一十畝零又臺徵田園一百十
國課無虧科則不紊民亦何辭但通縣糧戶久輸私

減輕糧一旦驟復原額力有不支咸具呈籲請寬
限臣查該縣歲徵額銀止三萬五千餘兩若將此
勻荒銀五千八十餘兩一年全復細察民隱艱難
似屬實情可否仰邀

皇上天恩准令該縣糧民將冒免銀米自雍正十二年
爲始在於限年墾復案內分作三年報陞照數復
還全額臣大書告示宣播

皇恩數十載冒免負罪之民盡沐

皇上如天之德矣至從前冒免之官民歷年久遠物換
人非查其卷案盡皆散失可否無容追究抑或容

臣具本

皇題參求

皇上特旨從寬

洪恩出自

皇上臣謹會同總督臣郝玉麟據實

奏請伏乞

皇上恩賜批示遵行謹

奏

冒荒隱賦至如許之多誠爲積弊雖云年久物換人非
既經查出豈可模糊了結自應具疏題請照增復額將

始而捏報繼而勻減及歷任失察各員一併詳參候朕
另降諭旨寬免處分方屬合宜但此意不可預爲宣露
也

雍正十二年四月初八日福建巡撫臣趙國麟謹

奏竊惟臣之事

君凡家務瑣屑本不當輕瀆

聖聰但以現任官而與屬員聯姻又不敢不爲據實

奏明臣大小親屬十餘口俱在閩署兒女長成婚姻

之事在籍無人料理布政使劉藩長雖籍係山西

現今家在山東濟南府洛口居住與臣家相去一

百餘里今春因將臣女許與劉藩長之子爲室至一切公事臣仍秉公辦理留心考核稽察以盡職守斷不敢因聯姻姪徇私廢公稍存瞻顧黨比之心有負

皇上委任之隆恩也爲此恭摺奏

聞謹

奏

聯姻何妨但須防嫌別微纖毫不被人檢點方爲善處親戚之間也

雍正十二年九月二十五日福建巡撫臣趙國麟

奏閩省百姓仰賴
皇上洪庥連歲雨暘時若今年早稻豐收分數已會同督臣郝玉麟繕摺奏

聞茲八九月內連得時雨臣因公出郊隨便查看晚禾

青葱遍野暢茂可觀

豐據各縣稟報雨水亦極霑

足禾苗俱各秀發民情歡慶米價照前每石九錢

至一兩零數分不等竝不高昂臺灣地方亦據報

稱七八月內得過透雨數次田禾雜糧均屬有濟

理合將近日雨水晚禾情形奏

殊批諭旨

聞以慰合德設日兩水瀾禾節送恭
聖懷伏祈八日內特嚴敷雨燬大田不餘蠶食調休
皇上睿鑒謹
奏
覽全閩雨暘調順晚禾暢茂情形遙顧海疆曷勝慰悅
雍正十三年五月十五日安慶巡撫臣趙國麟謹
奏竊臣到任兩月細查通省吏治經督臣趙弘恩整
頓年餘各有條理當依其綱領節目相助有成
至有應行損益事宜臣詳細斟酌隨時具
奏查臣衙門設有各項效用人員役共八十餘名內有

馬兵撥充者三十七名步戰兵撥充者十七名守
兵撥充者十一名俱係兩營將官選送在轅伺候
差遣遂不隸營管轄亦不隨營操演歷任相沿已
久但臣標兩營額設馬步守兵七百七十四名除
營員親丁公糧一百二十四名外只實存營六百
五十名若再撥充轅役六十五名未免營伍單薄
且不隨營操演技藝亦多生疎今臣逐一考驗悉
令歸營以實軍伍內有老弱及技藝不堪者革退
另補而效用人員役另行召募以備差遣庶營無曠
伍之兵轅無冒餉之役與營伍實有裨益再司庫

錢糧竝歷年積欠現在逐一稽察理合一併具摺

奏請

聞伏祈
皇上睿鑒謹

奏

覽奏知道了巡撫身膺封疆重寄武備爲第一要政若漫不經心訓練無術及或自諉於不諳卽屬有忝厥職至於錢穀刑名案件尤當精勤察覈期於弊絕風清勉之

同日又

奏竊照蝗蝻生發民瘼攸關臣四月初卽嚴

聞雨飭各地方官於草澤低窪之處預先留心防範嗣

據霍邱縣報稱該縣姚家草場併八里塘兩處有

蝗蝻生發泗州報稱該州重岡山併臨淮集生蝻

如席及桌大小不等盱眙縣報稱該縣磚壩地方

生蝻如席大三五處靈璧縣報稱該縣閭家橋胡

家莊雅廟臺青莊湖等處各生蝻零星不成片段

臣卽飛飭各文武員弁作速撲捕去後今據霍邱

等四州縣俱結報立即撲捕淨盡無遺竝無傷損

禾稼恐罹

現在飛查外理合先將近日得雨情形具摺奏聞伏祈 皇上睿鑒謹

奏

天以實不以文修省宜誠不宜偽察士庶之豪强害民者抑而懲之摘敕令之闌茸玷職者斥而去之檢政刑之寬嚴失當者舉而更張之能使輿情順於下自必皆天

天和感於上不此之務而惟祈禱是恃無怪乎杳然弗驗也

同日又
奏為奏

聞事本年五月二十七日據桐城縣舉人方道章等告

錢洛訪陳覲文等冒塚盜葬藐法抗斷等情具呈到臣臣行縣弔閱原卷查係雍正三年間方姓有道官山三百餘年之祖墳被錢洛訪冒任己祖豎立新碑陳子奇亦認己祖盜葬兩塚而錢陳兩姓又稱實係伊等祖墓彼此訐告不休至雍正八年始經知縣倪大成察訪勘審閱方姓宗譜印契有憑錢陳兩家毫無確據隨斷錢去碑斷陳遷塚在

殊批諭旨 趙國麟

案近思案經十年斷而不遵今又具控到臣非係該縣從前審勘不公必係山界有相錯不清之處隨委桐城令汪振甲同試用官王樸前去查勘繪圖送閱忽錢陳兩族及事外之吳大桂王天次等率衆攔阻不許該縣勘繪拋擲石塊擒毆方姓之人復擲毀該縣汪振甲之帽不法已極正在飭府拏究又據報六月十六日棍徒粘帖罷市凡近陳子奇住居街道舖面皆驚恐關閉查上江風習動輒聚衆行兇粘帖罷市目無法紀實爲地方風俗人心之害非嚴加懲治不足以消頑悍之習臣現

在檄飭按察使劉柏嚴拏爲首之人究審按擬另題外理合先具摺奏

聞伏祈

皇上睿鑒謹

奏

抗官藐法之習自應徹底窮究盡法懲治豈可一日姑容但須虛公訊鞠務得其情倘該令徇私納賄有以激成亦當嚴叅示懲勿因恐長刁風一語遂置貪官汚吏於不問而使百姓含冤莫雪也此諭亦令趙弘恩知之

雍正十三年七月初三日安慶巡撫臣趙國麟謹

奏爲恭報雨澤事竊照安屬已未得雨情形臣於六月十九日奏

聞在案今安慶府城六月十七日得雨以後今二十九日又得甘霖大沛歷已午二時四郊霑足再查通省州縣自六月十一十七八二十三二十四二十七二十九等日有得雨一次二次三次者共五十三處其六月初十以前已經得雨之各州縣今又據報有得雨霑足亦有報得雨一二寸及三四五六寸不等又前

奏未報得雨州縣今據陸續報到有連得大雨霑足者有得雨一二寸及一二寸至五六寸不等者惟來安一縣曾否得雨尚未報到現在飭查其得雨稍遲及未甚透足之處中稻未免枯槁臣已行布政司飭縣勸民改種蕎麥雜糧其牛力籽粒不足者動公項助給今七月初三日又得陰雲密布細雨霑濡將來雨澤似尚可望通省米價照前平減不昂相應一併具摺奏

聞伏祈

皇上睿鑒謹

奏

前摺所批省身心察吏治明刑慎罰除暴安良等諭最爲切要汝曾身體力行否耶抑或視爲具文虛應故事耶不然何以雨暘至今尚未時若也敬之勉之

同日又劄一札長陽表

奏爲奏

聞事竊照上江地方山深谷邃多有藏匿私鑄錢文之處臣到任嚴行通飭查拏在案今訪有池州府屬銅陵縣之大通鎮等處竟有棍徒私鑄小錢販往湖廣江西發賣又據按察使劉柏密稟前來臣現在密行該地方文武官弁前往嚴拏務獲究出同

夥窩販從重究擬併密咨湖廣江西二省一體查拏外理合先具摺奏

聞伏祈

皇上睿鑒謹

奏

嚴拏究懲纖毫毋涉疎縱

景平其德其自

奏

自王上睿聖蘇

開光海

琴收野合去具野奏

課高刈并重衣辨掛密谷賦實下西



查

